



文翰大成

九十一之三

漢書門
類
三
七
四
一
函
三
一
冊
四
冊
一
〇
〇
冊

漢書類
三
七
四
一
冊
三
一
冊
三
六
二
冊
三
六
冊

內閣文庫	
番號	漢 3741
冊數	100 (56)
函號	362 68



綴じ部(喉部分)の文字など開きが不鮮明な箇所あり

類選大成卷七 六十一行目錄

淺草文庫

漢

古辭 八首 文淵 一首

魏

武帝 二首 文帝 二首 甄皇后 一首 曹子建 八首

阮元瑜 一首

晉

傅奕 三首 士衡 二十

同正日

張駿 一首 靈運 七首 謝惠連 三首 顏延年 一首 鮑照 十首 孔欣 一首 荀勗 一首 釋孝休 一首

齊

陸韓卿二首
王融一首

梁

武帝一首
簡文帝一首
元帝一首
昭明太子一首

庾慎之二首
蕭子顯一首
戴嵩二首
江文通一首

劉孝威一首
劉孝勝一首
庾子山一首
何仲言一首

范曄妻沈氏一首

陳

顏希馮一首
張正見一首

後魏

高伯恭一首

後周

王褒二首

隋

盧思道一首
孔紹安一首
明餘慶一首
薛玄卿一首

文翰類選大成卷第九十一行目錄

文翰類選大成卷第九十一

左長史上海李伯璣編輯

伴 讀慈谿馮 厚校正

行類

漢

飲馬長城窟行

古辭

青之河畔草絲絲。思遠道遠道不可思。宿昔夢見之。夢見在
我傍。忽覺在他鄉。他鄉各異縣。展轉不相見。枯桑知天風。海
水知天寒。入門各自媚。誰肯相為言。客從遠方來。遺我雙鯉
魚。呼童烹鯉魚。中有尺素書。長跪讀素書。中竟何如。上有
加餐食。下有長相思。

君子行

君子防未然。不處嫌疑間。瓜田不納履。李下不正冠。嫂叔不親授。長幼不比肩。勞謙得其柄。和光甚獨難。周公下白屋。吐哺不及餐。一沐三握髮。後世稱聖賢。

相逢行

相逢狹路間。道隘不容車。不知何年少。夾轂問君家。君家誠易知。易知復難忘。黃金為君門。白玉為君堂。堂上置尊酒。作使邯鄲倡。中庭生桂樹。華燈何煌煌。兄弟兩三人。中子為侍郎。五日一來歸。道上自生光。黃金絡馬頭。觀者盈道傍。入門時左顧。但見雙鴛鴦。鴛鴦七十二。羅列自成行。音聲何嘈囂。鶴鳴東西廂。大婦織綺羅。中婦織流黃。小婦無所為。挾瑟上高堂。丈人且安坐。調絲方未央。

善哉行

來日大難。口燥唇乾。今日相樂。皆當喜歡。經歷名山。芝草翩翩。仙人王喬。奉藥一丸。自惜袖短。內手知寒。慙無靈輒。以報趙宣。月沒參橫。北斗闌干。親交在門。飢不及餐。歡日尚少。戚日苦多。何以忘憂。彈箏酒歌。淮南八公。要道不煩。參駕六龍。遊戲雲端。

長歌行

青、園中葵。朝露待日晞。陽春布德澤。萬物生光輝。常恐秋節至。焜黃華葉衰。百川東到海。何時復西歸。少壯不努力。老大徒傷悲。

傷歌行

昭、素明月。暉光燭我牀。憂人不能寐。耿耿夜何長。微風吹。閨闥羅帷。自飄颺。攬衣曳長帶。徒履下高堂。東西何所之。徘徊

迴以彷徨春鳥翻南飛。獨翱翔悲聲命傳匹哀鳴傷我腸。感物懷所思泣涕忽霑裳。佇立吐高吟舒憤訴穹蒼。

艷歌行二首

翩：堂前燕冬歲夏來見。兄弟兩三人。流宕在他縣。故衣誰當補。新衣誰當綻。賴得賢主人。覽取為吾組。夫婿從門來。斜柯西北眇。語卿且勿眇。水清石自見。石見何纍纍。遠行不如歸。南山石嵬嵬。松柏何離離。上枝拂青雲。中心十數圍。洛陽中梁松樹竊自悲。斧鋸截是松。松樹東西摧。持作四輪車。至洛陽宮。觀者莫不嘆。問是何山材。誰能刻鏤此。公輸與魯班。被之用丹漆。薰用蘇合香。本自南山松。今為宮殿梁。

武溪深行

馬文淵

滔：武溪一何深。鳥飛不度獸不敢。臨送我武溪。今多毒。

魏

苦寒行 武帝

北上太行山。艱執何巍巍。羊腸阪詰屈。車輪為之摧。樹木何蕭索。北風聲正悲。熊羆對我蹲。虎豹夾路啼。谿谷少人民。雪落何霏霏。延頸長歎息。遠行多所懷。我心何怫鬱。思欲一東歸。水深橋梁絕。中道正徘徊。迷惑失故路。薄暮無宿栖。行行日已遠。人馬同時饑。擔囊行取薪。斧冰持作糜。悲彼東山詩。悠悠使我哀。

善執行

自惜身薄祐。風賤罹孤苦。既無三徙教。不聞過庭語。其窮如抽裂。自以思所怙。雖懷一介志。是時其能與。守窮者貧賤。悅歡淚如雨。泣涕於悲夫。乞活安能覩。我願於天窮。琅邪傾。

側左。雖欲竭忠誠。欣公歸其楚。快人由為歎。抱情不得叙。顯
行天教人。誰知莫不緒。我願何時隨。此歎亦難處。今我將何
照於光曜。釋銜不如兩。

燕歌行 文帝

秋風蕭索。天氣涼。草木搖落。露為霜。群鷦舞。歸鵲南翔。念君
客遊多思腸。慊思歸戀故鄉。君何淹留寄他方。賤妾燒燒
守空房。憂來思君不敢忘。不覺淚下沾衣裳。援瑟鳴弦發清
商。短歌微吟不能長。明月皎皎照我牀。星漢西流夜未央。牽
牛織女遙相望。爾獨何辜限河梁。

折楊柳行

西山一何高高。殊無極。上有兩仙僮。不飲亦不食。與我
九藥。光耀有五色。服藥四五日。身體生羽翼。輕舉乘浮雲。儼
忽行萬億。流覽觀四海。茫非所識。詎相稱。七百悠悠。安可
原。老聃適西戎。子今竟不還。主喬假虛辭。赤松垂空言。達人
諳真偽。愚夫好妄傳。追念往古事。憤。千萬端。百家多迂怪。
聖道我所觀。

塘上行 文帝甄皇后

蒲生我池中。其葉何離離。傍能行仁義。莫若妾自知。眾口鑠
黃金。使君生別離。念君去我時。獨愁常苦悲。想見君顏色。感
結傷心脾。念君常苦悲。夜不能寐。莫以豪賢故。棄捐素所
愛。莫以魚肉賤。棄捐葱與薤。莫以麻枲賤。棄捐管與蒯。出亦
復苦愁。入亦復苦愁。邊地多悲風。樹木何脩。從君致獨樂。
延年壽千秋。

野田黃雀行二首

曹子建

置酒高殿上。親交從我游。中厨辦豐膳。烹羊宰肥牛。秦箏何
慷慨。齊瑟和且柔。陽阿奏奇舞。京洛出名謳。樂飲過三爵。緩
帶傾度羞。主稱千金壽。賓奉萬年酬。父要不可忘。薄終義所
尤。謙。君子德。磬折欲何求。鷲風飄白日。光景馳西流。盛時
不可再。百年忽我遒。生存華屋處。零落歸山丘。先民誰不死。
知命亦何憂。

高樹多悲風。海水揚其波。利劍不在掌。結友何須多。不見離
間雀。見鷓自投羅。羅家得雀喜。少年見雀悲。拔劍捎羅網。黃
雀得飛。飛。摩蒼天。來下謝少年。

泰山梁甫行

八方各異氣。千里殊風雨。劇剋邊海民。寄身於草野。妻子象
禽獸。行止依林阻。柴門何蕭條。狐兔翔我宇。

怨詩行

明月照高樓。流光正徘徊。上有愁思婦。悲歎有餘哀。借問歎
者誰。自云客子妻。夫行踰十載。賤妾常獨棲。念君過於渴。思
君劇於飢。君為高山桐。妾為濁水泥。北風行蕭。烈。入吾
耳。心中念故人。淚墮不能止。沉浮各異路。會合當何諧。願作
東北風。吹我入君懷。君懷常不開。賤妾當何依。恩情中道絕。
流止任東西。我欲竟此曲。此曲悲且長。今日樂相樂。別後莫
相忘。

惟漢行

太極定二儀。清濁始以形。三光昭八極。天道甚著明。為人立
君長。欲以遂其生。行仁章以瑞。變故誠驕盈。神高而聽卑。報
若響。應聲。明主敬細微。三季魯天經。二皇稱至化。盛哉唐虞

庭禹湯繼厥德。周亦致太平。在昔懷帝京。日昊不敢寧。濟濟在公朝。萬載馳其名。

升天行二首

乘蹻追術士。遠之蓬萊山。靈液飛素波。蘭桂上參天。玄豹遊其下。翔鶴戲其顛。乘風忽登舉。彷彿見衆仙。扶桑之所出。乃在朝陽谿。中心陵蒼昊。布葉蓋天涯。日出登東幹。既夕沒西枝。願得紆陽纒。廻日使東馳。

怨歌行

為君既不易。為臣良獨難。忠信事不顯。乃有見疑患。周公佐成王。金縢功不刊。推心輔王室。二叔反流言。待罪居東國。泣涕當留連。皇靈大動變。震雷風且寒。拔樹偃秋稼。天威不可干。素服開金縢。感悟求其端。公旦事既顯。成王乃哀歎。吾欲竟此曲。此曲悲且長。寧知今古事。別後莫相忘。

何當行

阮元瑜

名瑜

駕出北郭門。馬樊不肯馳。下車步踟躕。仰折枯楊枝。顧聞丘林中。噉之有悲啼。借問啼者出。何為乃如斯。親母舍我歿。後母憎孤兒。飢寒無衣食。舉動鞭捶施。骨消肌肉盡。體若枯樹皮。藏我空室中。父還不能知。上冢察故處。存亡永別離。親母何可見。淚下聲正嘶。棄我於此間。窮厄豈有贊。傳告後代人。以此為明規。

晉

何當行

傅休奕

同聲自相應。同心自相知。外合不由中。雖固中必離。管鮑不世出。結交安可為。

惟漢行

危哉鴻門會沛公幾不還輕裝入軍投身湯火間兩雄不
俱立亞父見此權項莊奮劍起白刃何翩翩伯身雖為敵事
促不及旋張良帽坐側高祖變龍顏賴得樊將軍虎叱項王
前噴目駭三軍磨牙咀豚肩空厄讓霸王臨急吐奇言威凌
萬乘主指顧回泰山神龍困鼎鑊非噲豈能全狗屠登上將
功業信不原徒兒寔可慕腐儒安足歎

秋胡行

秋胡納令室三日官他鄉皎皎潔婦姿冷冷守空房燕婉不
終夕別如參與商憂來猶四海易感難可防人言生日短愁
者苦夜長百草揚春華攘腕採柔桑素手尋繁枝落葉不盈
筐羅衣豔玉體回日流采章君子倦仕歸車馬如龍驤精誠
馳萬里既至兩相忘行人悅令顏情息此樹傍誘以逢鄉論
遂下黃金裝烈烈貞女忿言辭厲秋霜長驅及居室奉金升
北堂毋立呼婦來歡情樂未央秋胡見此婦惕然懷探湯負
心豈不慙永誓非所望清濁必異源鳥鳳不並翔引身赴長
流果執潔婦腸彼夫既不淑此婦亦太剛

苦寒行

陸士衡

北遊幽朔城涼野多險艱俯入窮谷底仰陟高山盤凝冰結
重凋積雪被長巒陰雲興巖側悲風鳴樹端不覩白日景但
聞寒鳥囓猛虎憑林嘯玄猿臨岸歎夕宿喬木下慘愴恒鮮
歡渴飲堅冰漿饑待零露飡離思固已矣寤寐莫與言劇哉
行役人慊慊恒苦寒

從軍行

苦哉遠征人。飄飄窮四遐。南陔五嶺巔。北戍長城阿。谿谷深
無底。崇山鬱對峩。我奮臂攀喬木。振迹涉流沙。隆暑固已慘。涼
風嚴且苛。夏條焦鮮藻。寒水結衝波。胡馬如雲屯。越旗亦星
羅。飛鋒無絕影。鳴鏑自相和。朝餐不免胃。夕息常負戈。苦哉
遠征人。拊心悲如何。

燕歌行

四時代序逝。不追寒風習。落葉飛蟋蟀。在堂露盈墀。念君
遠遊恒苦悲。君何緬然久不歸。賤妾悠悠心無違。白日既沒
明燈輝。夜禽赴林匹鳥棲。雙鳴關。宿河湄。憂來感物淚不
晞。非君之念思為誰。別日何早會來遲。

君子行

天道夷且簡。人道險而難。休咎相乘。翻覆若波瀾。去疾苦
不遠。疑似實生患。近火固宜熱。履冰豈惡寒。撥蜂滅天道。拾
塵惑孔顏。逐臣尚何有。弃友為足歎。福鍾恒有此。禍集非無
端。天損未易辭。人益猶可歡。朗鑒豈遠假。取之在傾冠。近情
苦自信。君子防未然。

董逃行

和風習。薄林柔條布葉垂陰。鳴鳩拂羽相尋。倉鷓啼。弄
音感時悼逝傷心。日月相追周旋萬里。儵忽幾年。人皆冉冉
西遷。盛時一往不還。慷慨乘念悽然。昔為少年無憂常怪乘
燭夜遊。翻宵征何求。於今知此有由。但為老去年道盛固
有衰不疑。長夜冥。無期何不驅馳及時。聊樂永日自怡。齋
此遺情何之。人生居世為安。豈若及時為驩。世道多故萬端
憂慮分錯交頰。老行及之長歎。

順東西門行

出西門望天庭。暢谷既虛。崦嵫盈。感朝露悲人生。遊者若斯。安得停。桑樞戒蟋蟀鳴。我今不樂歲律征。迨未暮及時平。置酒高堂宴友生。激朗笛。揮哀箏。取樂今日盡歡情。

鞠歌行

朝雲升。應龍攀。乘風遠遊。騰雲端。鼓鍾歇。豈自歡。急弦高張。思和彈。時希值。年夙愆。循已雖易人知難。王陽登。貢公歡。罕生既沒。國子歎。嗟千載。豈虛言。歎矣遠念情慨然。

猛虎行

渴不飲盜泉水。熱不息惡木陰。惡木豈無枝。志士多苦心。整駕肅時命。扶策將遠尋。飢食猛虎窟。寒栖野雀林。日歸功未建。時往歲載陰。黑雲臨岸駭。鳴條隨風吟。靜言幽谷底。長嘯

高山岑。急絃無懦響。亮節難為音。人生誠未易。曷云開此衿。眷我耿介懷。俯仰愧古今。

豫章行

汎舟清山渚。遙望高山陰。川陸殊途軌。懿親將遠尋。三荆歡同株。四鳥悲異林。樂會良自古。悼別豈獨今。寄世將幾何。日昊無停陰。前路既已多。後塗隨年侵。侵薄暮景。躋鮮克禁。曷為復以茲。曾是懷苦心。遠節嬰物淺。近情能不深。行矣保嘉福。景絕繼以音。

飲馬長城窟行

驅馬陟陰山。山高馬不前。往問陰山候。勁虜在燕然。戎車無停軌。旌旆屢徂遷。仰憑積雪巖。俯涉望冰川。冬來秋未反。去家邈以懸。獫狁亮未夷。征人豈徒旋。末德爭先鳴。凶器無兩

全師克薄賞行軍沒微軀指將遵甘陳迹收功單于旃振旅
勞歸士受爵稟街傳

門有車馬客行

門有車馬客駕言發故鄉念君久不歸濡跡涉江湘投袂赴
門塗攬衣不及裳撫膺攜客泣掩淚叙溫涼借問邦族間惻
愴論存亡親友多零落舊齒皆凋喪市朝互遷易城闕惑丘
荒墳龍日月多松柏鬱芒芒天道信崇替人生安得長慷慨
惟平生俛仰獨悲傷

長安有狹邪行

伊洛有岐路岐路交朱輪軒蓋承華景騰步躡飛塵鳴玉豈
樸儒憑軾皆俊民烈心厲勁秋靡服鮮芳春余本倦游客豪
彥多舊親傾蓋承芳訊欲嗚笛及晨守一不足矜岐路良可
導規行無曠迹矩步豈逮人投足結巴爾四時不必循將遂
殊塗軌要予同歸津

君子有所思行

命駕登北山延佇望城郭塵里一何盛街巷紛漠漠甲第崇
高閣洞房結阿閣曲池何湛湛清川帶華薄邃宇列綺窓蘭
室接羅幕泚貌色斯升哀音承顏作人生誠行邁容華隨年
落善哉膏粱士營生與且博宴安消靈根醜毒不可恪無以
肉食資取笑葵與藿

日出東南隅行

扶桑升朝暉照此高臺端高臺多妖麗澹房出清顏淑貌耀
皎日惠心清且閑美目揚玉澤蛾眉象翠翰鮮膚一何潤秀
色若可餐窈窕多容儀婉媚巧笑言暮春春服成粲綺與

紉金雀垂藻翹瓊珮結瑤璫方駕揚清塵濯足洛水瀾
風雲會佳人二何繁南崖充羅幕北渚盈軒軒清川含藻景
高崖被華丹馥芳袖揮冷纖指彈悲歌吐清響雅舞播
幽蘭丹脣含九秋妍迹陵七盤赴曲迅龍鴻蹈節如集鸞綺
態隨顏變沈姿無乏源俯仰紛阿那顧步咸可懼遺芳結飛
颺浮景映清湍冶容不足詠春游良可歎

齊謳行

營丘負海曲沃野爽且平洪川控河濟崇山入高冥東被姑
尤側南界聊攝城海物錯萬類陸產尚千名孟諸吞楚夢百
二倅秦京惟師恢東表桓后定周傾天道有迭代人道無久
盈鄙我牛山歎未及至人情奕鳩苟已徂吾子安得傳行行
將復去長存非所營

長歌行

遊矣經天日悲哉帶地川寸陰無停晷尺波豈徒旋年往迅
勁矢時來亮急弦遠期鮮克及盈數固希全容華夙夜零體
澤坐自捐茲物苟難停吾壽安得延俛仰逝將過倏忽幾何
間懷既亦為訴天道良自然但恨功名薄竹帛無所宣迨及
歲未暮長歌承我閑

短歌行

置酒高堂悲歌臨觴人壽幾何逝如朝霜時無重至華不再
陽頽以春暉蘭以秋芳來日苦短去日苦長今我不樂蟋蟀
在房樂以會興悲以別章豈曰無感憂為子忘我酒既旨我
肴既臧短歌有詠長夜無荒

悲哉行

游客芳春林春芳傷客心和風飛清響鮮雲垂薄陰蕙草饒
淑氣時鳥多好音翩鳴鳩羽啾倉庚音幽蘭盈通谷長
秀被高岑女蘿亦有託蔓葛亦有尋傷哉遊客士憂思一何
深目感隨氣草耳悲詠時禽寤寐多遠念緬然若飛沈願託
歸風響寄言遺所欽

吳趨行

楚妃且勿歎齊娥且莫謳四坐並清聽聽我歌吳趨吳趨自
有於請後昌門起昌門何峨峨飛閣跨通波重巖承游極回
軒啓曲阿諱慶雲被冷祥風過山澤多歲育土風清且
嘉泰伯導仁風仲雍揚其波穆延陵子灼光諸華王迹
隕陽九帝功興四遐大皇自富春矯乎頓世羅邦彥應運興
粲若春林葩屬城咸有士吳邑最為多八族未足侈四姓實

名家文德熙淳懿武功伴山河禮讓何濟流化自滂沱淑
美難窮紀商推為此歌

塘上行

江籬生幽渚微芳不足宣被蒙風雲會移居華池邊發藻玉
臺下垂影滄浪泉沾潤既已渥結根與且堅四節逝不處華
繁難久鮮淑氣與時殞餘芳隨風捐天道有遷易人理無常
全男懽智傾愚女愛衰避妍不惜微軀退但懼蒼蠅前願君
廣末光照妾薄暮年

東晉

東門行 張駿

勾芒御春正衡紀運玉瓊明庶起祥風和氣翕來征慶雲陰
八極甘雨潤四垓昊天降靈澤朝日耀華精嘉苗布原野百

卉敷時榮鳩鵲與鷺黃間關相和鳴芙蓉覆靈沼香花揚芳
馨春遊誠可樂感此白日傾休否有終極落葉思本莖臨川
悲逝者節變動中情

鞠部行

謝靈運

德不孤兮必有鄰唱和之契冥相因譬如虬虎兮來風雲亦
如形聲影響陳心歡賞兮歲易淪隱玉巖彩疇識真叔牙顯
夷吾親郢既沒匠寢斤覽古籍信伊人永言知己感良辰

日出東南隅行

栢梁冠南山桂宮耀北泉晨風拂檐幌朝日照闥軒美人臥
屏席懷蘭秀瑤璫皎潔秋松氣淑德春景暄

燕歌行

孟冬初寒節氣成悲風入闥霜依庭秋蟬噪柳燕棲楹念君
行役怨邊城君何崿嶇久徂征豈無膏沐感鸛鳴對君不樂
淚沾纓闥開幌弄秦箏調絃促柱多哀聲遲夜明月鑿帷
屏誰知河漢淺且清展轉思服悲明星

折楊柳行二首

鬱、河邊樹青野田草合我故鄉客將適萬里道妻妾牽
衣袂拭淚沾懷抱還附幼童子願託兄與嫂辭訣未及終嚴
駕一何早負策引文舟飢渴常不飽誰令爾貧賤咨嗟何
所道

騷屑出穴風揮霍見日雪颼、無夕搖皎、幾時潔未覺泮
春冰已復謝秋節空對尺素遷獨視寸陰滅否桑未易繫秦
茅難重拔桑芋迭生運語默寄前楮

悲哉行

羈人感淑節。緣感欲回沈。我行詎幾時。華實驟舒結。觀實情
有悲。瞻華意無悅。覽物懷同志。如何復乖別。翩翩翔禽羅。閑
閑鳴鳥列。翔禽常曠偶。所嘆獨乖絕。

會陰行

六引緩清唱。三調停繁音。列筵皆靜寂。咸共聆會陰。會吟自
有初。請從文命敷。敷績壺冀始。刊木至江汜。列宿炳天文。負
海橫地理。連峯競千仞。背流各百里。泥地既粳稻。輕雲曖松
杞。兩京愧佳艱。三都豈能似。層臺指中天。高墉積崇雉。飛燕
躍廣途。鶴首戲清泚。肆呈窈窕容。路曜嬈娟子。自來彌世代。
賢達不可紀。句踐善廢興。越叟識行止。范蠡出江湖。梅福入
城市。東方就安逸。梁鴻去桑梓。牽綴書土風。辭殫意未已。

燕歌行

謝惠連

四時推遷迅不停。三秋蕭瑟葉解輕。飛霜被野鴈南征。念君
客遊羈思盈。何為淹留無歸聲。愛而不見傷心情。朝日潛輝
華燈明。林鵠同栖渚。鴻并接翮偶。羽依蓬瀛。仇依旅類相和
鳴。余獨何為志。無成憂緣物。感淚沾纓。

鞠歌行

翔馳騎伯樂。不舉誰能知。南荆壁萬金。營下和不斲。與石離
年難留。時易墮。厲志莫賞。徒勞疲沮。齊音。溺趙吹。匠石善運
郢不危。古綿眇。理參差。單心慷慨。雙淚垂。

塘上行

芳萱秀陵阿。菲質不足營。幸有忘憂用。移根託君庭。垂穎臨
清池。擢彩仰華甍。霑溼雲雨潤。歲寒吐芳馨。願君春傾葉。留
景惠餘明。

從軍行

顏延年

若執遠征人畢力幹時艱。秦初畧揚越。漢世爭陰山。地廣旁
無界。岳阿上。虧天嶠。霧下高鳥。冰沙固流川。秋颯冬末至。春
液夏不消。閩烽指荆吳。胡埃屬幽燕。橫海咸飛驪。絕漠皆控
弦。馱發章表軍書交。塞邊接鎬赴陣首。卷甲起行前。羽驛
馳無絕。旌旗晝夜懸。臥伺金柝響。起候亭燧烟。逝矣遠征人。
惜哉私自憐。

出自薊北門行

鮑明遠

羽檄起邊亭。烽火入咸陽。徵騎屯廣武。分兵救朔方。嚴秋筋
竿勁。虜陣精且彊。天子按劍怒。使者遙相望。鴈行緣石徑。魚
貫度飛梁。簫鼓流漢思。旌甲被胡霜。疾風衝塞起。沙礫自飄
揚。馬毛縮如蠟。角弓不可張。時危見臣節。世亂識忠良。投軀
報明主。身死為國殤。

東武吟行

主人且勿誼。賤子歌一言。僕本寒鄉士。出身蒙漢恩。始隨張
校尉。占募到河源。後逐李輕車。追虜窮寒垣。密塗亘萬里。寧
歲猶七奔。肌力盡鞞甲。心思歷涼溫。將軍既下世。部曲一罕
存。時事一朝異。孤績誰復論。少壯辭家去。窮老還入門。腰鎌
刈葵藿。倚杖收鷄犬。昔如韝上鷹。今似檻中猿。徒結千載恨。
空負百年怨。奔昔思君握疲馬。戀君軒。顛垂晉主惠。不愧田
子魂。

結客少年場行

驄馬金絡頭。錦帶佩吳鉤。失意杯酒間。白刃起相讐。追兵一
旦至。負劍遠行遊。去鄉三十載。復得還舊丘。并高臨四關。表

裏望皇州九塗平若水雙闕似雲浮扶宮羅將相夾道列王
侯日中市朝滿車馬若川流擊鍾陳鼎食方駕自相求今我
獨何為增感堯路懷百憂

東門行

傷禽惡弦驚倦客惡離聲離聲斷客情賓御皆涕零涕零心
斷絕將去復還訣一息不相知何況異鄉別遙遙征駕遠杳
杳落日晚居人掩閨臥行子夜中飯野風吹秋木行子心腸
斷食梅常苦酸衣葛常苦寒絲竹徒滿坐憂人不解顏長歌
欲自慰彌起長恨端

苦熱行

赤坂橫西阻火山赫南威身熱頭口痛鳥惶魂來歸湧泉發
雲潭焦煙起石折日月有恒昏雨和路未常晞丹蛇踰百尺玄
蜂盈十圍含沙射流影攻蠱痛行暉障氣晝熏體熱露夜
沾衣饑猿莫下食晨禽不敢飛素涇尚多死渡瀘寧具肥生
軀蹈死地昌志登禍機戈船榮既薄伏波賞亦微爵輕君尚
惜士重安可希

放歌行

蓼蟲避葵董習苦不言非小人自齷齪安知曠士懷鷄鳴洛
城裏禁門平旦開冠蓋縱橫至車騎四方來素帶曳長纒華
纓結遠埃日中安能止鍾鳴猶未歸夷世不可逢賢君信愛
才明慮自天斷不受外嫌猜一言分珪爵片善辭草萊豈伊
白璧賜將起黃金堂今君有何疾臨路獨遲回

升天行

家世宅關輔勝帶官玉城備聞十帝事委曲兩都情倦見物

興衰驟觀俗屯平。翩翩類迴掌。恍惚似朝榮。窮途悔短計。晚
志重長生。從師入遠岳。結友事仙靈。五圖發金記。九籥隱丹
經。風餐委松宿。雲臥恣天行。冠霞登綵閣。解玉飲椒庭。暫游
越萬里。近別數千齡。鳳臺無還駕。簫管有遺聲。何時與爾曹。
啄腐共吞腥。

煌々京洛行

鳳樓十二重。四戶八綺窓。繡栊金蓮花。桂樹玉盤龍。珠簾無
隔路。羅幌不勝風。寶帳三千所。為爾一朝容。揚芬紫烟上。垂
綵綠雲中。春吹回白日。霜歌落塞鴻。但懼秋塵起。盛愛逐衰
蓬。坐視青苔滿。臥對錦筵空。琴瑟縱橫散。舞衣不復縫。古來
兵歇薄。君意良獨濃。唯見双黃鵠。千里一相從。

君子有所思行

西上登雀臺。東下望雲闕。層閣開肅天居。馳道直如髮。綉薨結
飛霞。璇題納明月。築山擬蓬壺。穿池類溟渤。選色徧齊代。徵
聲匝邛越。陳鍾陪夕宴。笙歌待明發。年貌不可留。身意會盈
歇。蟻壤漏山河。絲浹毀金骨。器惡含滿歌。物忘厚生沒。智哉
衆多士。服理辨昭晰。

鳴鴈行

誰、鳴鴈鳴。正旦齊行命。侶入雲漢中。夜相失。群離亂。留連
徘徊不忍散。憔悴容儀君不知。辛若霜雪亦何為。

相逢狹路間行

孔欣

相逢狹路間。道狹正踟躕。如何不群士。行吟戲路衢。輟步相
與言。君行欲為如。淳朴久已凋。榮利迭相驅。流落尚風波。人
情多遷渝。勢集堂必滿。運去庭亦虛。競趨嘗不暇。誰肯卷桑

樞無為肆獨往。只將困淪胥。未若及初九。携手歸田廬。躬耕
東山畔。樂道詠玄書。狹路安足遊。方外可寄娛。

長安有狹邪行 荀昶

朝發邯鄲邑。暮宿井陘間。井陘一何狹。車馬不得旋。邂逅相
逢。值崎嶇。交一言。一言不容多。伏軾問君家。君家誠易知。易
知復易博。南面平原居。北趣相如閣。飛樓臨夕都。通門枕華
郭。入門無所見。但見雙栖鶴。栖鶴數十雙。鴛鴦群相追。大兄
珥金墀。中兄振纓綉。伏臘一來歸。隣里生光輝。小弟無所為。
鬪鷄東陌達。大婦織紈綺。中婦縫羅衣。小婦無所作。挾瑟弄
音徽。丈人且却坐。梁塵將欲飛。

怨詩行 釋孝休

明月照高樓。念君千里光。巷中情思滿。斷絕孤妾腸。悲風盪
帷帳。瑤翠坐自傷。妾心依天末。思與浮雲長。嘯歌視秋草。幽
葉豈再揚。暮蘭不待歲。離華能幾芳。願作張女引。流芳君
堂。君堂嚴且秘。絕調徒飛揚。

齊

蒲坂行

陸韓卿

江南風已春。河間柳已把。鴈返無南書。寸心何由寫。流泊祁
連山。飄飄高闕下。

邯鄲行

趙女擲鳴琴。邯鄲紛躡步。長袖曳三街。兼金輕一顧。有美獨
臨風。佳人在遐路。相思欲褰袵。叢臺日已暮。

望城行

王融

金城十二重。雲氣出表裏。萬戶如不殊。千門反相似。車馬若

飛龍長衢無極已。簫鼓相逢迎信於佳城市。

梁

長安有狹邪行 武帝

洛陽有曲陌。曲陌不通驛。忽遇二少童。扶轡問君宅。我宅耶
鄆右。易憶復可知。大息組網緼。中息佩陸離。小息尚青綺。總
角遊南皮。三息俱入門。家臣拜門垂。三息俱升堂。旨酒盈千
卮。三息俱入戶。戶內有光儀。大婦理金翠。中婦事重釀。小婦
獨閑暇。調笙遊曲池。文人少裴回。鳳吹方參差。

新城安樂宮行 簡文帝

遙看雲霧中。刻楠映丹紅。珠簾通晚日。金葉柳。夜風欲知歌
管處。來過安樂宮。

鴈門太守行

蕭蕭中夜下。黃葉遠辭枝。寒苦春難忍。邊城秋易知。風急旌
旗斷。塗長鎧馬疲。少解孫吳法。家本幽并兒。非關買鴈肉。徒
勞皇甫規。

從軍行 元帝

寶劍飾龍淵。長虹畫彩船。山虛和鏡管。水淨寫樓船。連鷄隨
火度。燧象帶烽然。洞庭晚風急。瀟湘夜月圓。苟令多文藻。臨
戎賦雅篇。

相逢狹路間行 昭明太子

京華有曲巷。曲巷不通輿。道逢一俠客。緣路問君居。君居在
城北。可尋復易知。朱門間皓壁。刻栢映晨籬。階植若華草。光
影逐颺移。輕憶委四屋。蘭膏然百枝。長子飾青紫。少子任以
賞。小子始總角。方作啼弄兒。三子俱入門。赫奕盛羽儀。華駟

服衛纓白玉鑣。鞞容止同規矩。賓後盡恭卑。雅鄭時間作。
孤竹乍參差。雲飛離水宿。弄吭滿青池。懽樂無終極。流日豈
知疲。門下非毛遂。坐上盡英奇。大婦成貝錦。中婦飾粉純。小
婦獨無事。理曲步簷垂。丈人暫徙倚。行使流風吹。

隴西行

庾慎之

借問隴西行。何當驅馬征。草合前迷路。雲濃後暗城。寄語幽
閨妾。羅袖勿空榮。

長安有狹邪行

長安曲陌坂。曲曲不容憶。路逢雙綺襦。問君居近遠。我居臨
御溝。可識不可求。長子登麟閣。次子侍龍樓。少子無高位。聊
從金馬遊。三子俱來下。左右若川流。三子俱來入。高軒映彩
旒。三子俱來宴。玉柱擊清甌。大婦襲雲裘。中婦卷羅幃。少婦
多妖艷。花鈿繫石榴。夫君且安坐。歡娛方未周。

燕歌行 蕭子顯

風光遲舞出青蘋。蘭條翠鳥鳴發春。洛陽梨花落如雪。河邊
細草細如茵。桐生井底葉交枝。今看無端雙鷺離。五重飛樓
入河漢。九華閣道暗清池。遙看白馬津。上吏傳道黃龍征。戍
兒明月金光徒照妾。浮雲玉葉君不知。思君昔去柳依依。至
今八月避暑歸。明珠蠶繭登池機。鬱金香鴉持香衣。洛陽城
頭鷄欲曙。丞相府中烏未飛。夜夢征人縫狐貉。私憐織婦裁
錦緋。吳刀鄭錦絡寒閨。夜被薄芳年海上水。中鳧日暮寒夜
空城雀。

君子行

戴暠

畫野依德星。開鄠對廉水。接越稱交讓。連樹名君子。數非唯

二失升階無三止探醜不疑塵正冠還避李寄言遠伯玉無為嗟獨耻

煌、京洛行

欲知佳麗地為君陳帝京由來稱俠窟爭利復爭名鑄銅門外馬刻石水中鯨黑龍過飲渭丹鳳俯臨城群公邀郭解天子問黃瓊詔幸平陽第騎指伏波營五侯同拜爵七貴各垂纓東風飄颻起車塵暗浪生舞見淮南法歌聞齊后聲揮金留客坐饌玉待鍾鳴獨有文園客偏嗟武騎輕

從軍行

江文通

尊酒送征人踟躕在親宴日暮浮雲滋握手淚如霰悠悠清
水天嘉魴得所薦而我在萬里結友不相見袖中有短書願
寄双飛燕

結客少年場行

劉孝威

少年本六郡遨遊遍五都袖腰同七首障日錦塗蘇鷲羽裝
銀鋪犀膠飾象弧近發連双兔高彎落九鳥邊城多警急節
使滿郊衢居延箭箠盡疎勒并泉枯正蒙都護接何由憚險
途千金募惡少一麾擒骨都勇餘聊感鞠戰罷戲投壺昔為
北方將今為南面孤邦君行負弩縣令三前驅

武溪深行

劉孝勝

武溪深不測水安丹復輕暫侶莊生釣還滯鄂君行權歌爭
後發譟鼓逐前征秦上山川險黔中木石并林壑秋籟急猿
哀夜月明澄源本千仞回峯忽萬縈昭潭讓無底大華推削
成日落野通氣目極悵餘情下流曾不濁長邁寂無聲羞學
滄浪水濯足復濯纓

結客少年場行

庾子山

結客少年場。春風滿路香。歌撩李都尉。果擲潘河陽。折花遙
勸酒。就水更移牀。今年喜夫婿。新拜羽林郎。定知劉碧玉。偷
嫁汝南王。

長安少年行

何仲言

長安美少年。羽騎暮連翩。玉韜馬。胸勒金絡。珊瑚鞭。陣雲橫
塞起。赤日下城圓。遣兵待都護。烽火望祁連。虎落夜方寢。魚
麗曉復前。平生不可定。空信蒼浪天。

晨風行

范靜妻沈氏

理懺令舟人。停艫息旅。薄河津。念君叨勞冒風塵。臨路揮袂
淚沾巾。颺流勁潤。逝若飛山。高帆急絕音。微留子句。獨言
歸中心。莞々將依誰。風彌葉落。水離。索神往。形返情。錯漠循

帶易緩愁難却。心之憂矣。頗銷鑠。

陳

羅敷行

顧希馮

東隅麗春日。南陌採桑時。樓中結梳。提筐候早期。風輕鶯
韻緩。霜洒落花遲。五馬光長陌。千騎。給青絲。使君徒遣信。賤
妾畏蠶飢。

從軍行

張正見

胡兵屯薊北。漢將起山西。故人輕百戰。聊欲定三齊。風前噴
畫角。雲上舞飛梯。鴈塞秋聲遠。龍沙雲路迷。燕然自可勒。函
谷詎西泥。

後魏

羅敷行

高伯恭

邑中有好女。姓秦字羅敷。巧笑美回眄。髮髮復凝膚。脚著花
文履。耳穿明月珠。頭作墮馬髻。倒枕象牙梳。妍妍善趨步。襜
襜曳長裾。王侯為之顧。駟馬自踟蹰。

後周

日出東南隅行

王褒

曉星西北沒。朝日東南隅。陽窓臨玉女。蓮帳照金鋪。鳳樓稱
獨立。絕世良所無。鏡懸四龍網。枕畫七星圖。銀鏤明光帶。金
地織成襦。調絃大垂手。歌曲鳳將雛。採桑三市路。賣酒七條
衢。道逢五馬客。夾轂來相趨。將軍多事執。夫婿好形模。高箱
照雲母。壯馬飾當顛。單衣火浣布。利劍水精珠。自知心所愛。
仕宦執金吾。飛甍彫翡翠。繡栢畫層蘇。銀燭附彈映。鷄羽黃
金步。搖動檐楹。喻兄弟五日時來歸。高車竟道生光輝。各昌兩
行堂上起。駕鸞為七十階前飛。少年任狹輕年月。珠丸出彈遂
難追。

燕歌行

初春麗日鶯欲嬌。桃花流水沒河橋。薔薇花開百重葉。楊柳
拂地散千條。隴西將軍號都護。樓蘭校尉稱嫖姚。自從昔別
春鷺分。經年一去不相聞。無復漢地長安月。唯有漠北薊城
雲。淮南桂中明月影。流黃機上織成文。充國行軍屢築營。陽
史討虜陷平城。城下風多能却車。沙中雪淺距停兵。屬國少
婦猶年少。羽林輕騎散征行。遙聞陌頭採桑曲。猶勝邊地胡
笳聲。胡笳向暮使人泣。還使閨中空佇立。挑花落。杏花舒。桐
生井底寒葉疎。試為來看上林鴈。必有遺寄隴頭書。

隋

從軍行

盧思道

朔方烽火照甘泉。長安飛將出祁連。犀渠玉劍良家子。白馬金羈俠少年。平明偃月屯右地。薄暮魚麗逐左賢。谷中石虎經銜箭。山上金人曾祭天。天涯一去無窮已。薊門迢遞三千里。朝見馬嶺黃沙合。夕望龍城陣雲起。庭中奇樹已堪攀。塞外征人殊未還。白雲初下天山外。浮雲直向五原間。關山萬里不可越。誰能坐對芳菲月。流水本自斷人腸。堅冰舊來傷馬骨。邊庭節物與花異。冬盡秋霜春不歇。長風蕭蕭渡水來。歸鴈連天映天沒。從軍行。軍行萬里出龍庭。單于渭橋今已拜。將軍何處覓功名。

結客少年場行

孔紹安

結客佩吳鉤。橫行度龍頭。鴈在弓前落。雲從陣後浮。興師驚燧象。燕將警奔牛。轉蓬飛不息。冰河結未流。若使三邊定。當封萬里侯。

從軍行

明餘慶

三邊烽亂驚。十萬且橫行。風卷常山陣。笳喧細柳營。劔花寒不落。弓月曉逾明。會取淮南地。特作朔方城。

豫章行

薛玄卿

江南地遠接閩甌。東山英妙屢經遊。前瞻疊障千重阻。却帶驚湍萬里流。楓葉朝飛向京洛。文魚過夜歷吳洲。君行遠度茱萸嶺。妾住長依明月樓。樓中愁思不開頻。始復臨牕望早春。鴛鴦水上萍初合。鳴鶴園中花併新。空憶常時角枕處。無復前日畫眉人。照骨金環誰用許。見膽明鏡自生塵。蕩子從來好留滯。况復關山遠迢遞。當學織女嫁牽牛。莫學姮娥叛

夫壻偏訝思君無限極。欲罷欲忘還復憶。願作王母三青鳥。
飛去飛來傳消息。豐城双劍昔曾離。經年累月復相隨。不畏
將軍成久別。只恐封侯心更移。

文翰類選大成卷九十一

文翰類選大成卷九十二行目錄

唐

王摩詰	十首	楊炯	一首	盧象之	一首	駱賓王	一首
虞世南	二首	王涯	二首	岑參	二首	高逵夫	五首
崔顥	七首	李頎	三首	儲光羲	一首	張繪	一首
常建	一首	王少伯	七首	李太白	八首	杜子美	十八首
賈幼隣	一首	韋應物	四首	王仲初	計一首	耿湣	一首
韓君平	一首	戎昱	五首	陳羽	一首	歐陽行周	一首
戴幼公	一首	柳子厚	一首	韓退之	一首	李長吉	三首
孟東野	三首	張文昌	計一首	劉夢得	計一首	白樂天	二首
李巨山	一首	施有吾	一首	今孤慈士	一首	杜顥	一首
元微之	一首	雍國君	一首	劉文房	六首	李君虞	二首

溫飛卿 三首 鮑德源 一首 劉希夷 二首 朱攸 一首
 王穀 一首 顧逋翁 一首 陶翰 一首 李嶷 三首
 張潮 二首 崔國輔 一首 劉司南 一首 莊南傑 一首
 孟賓于 一首 韋楚老 一首 王翰 一首 韋端已 一首
 李岩夢 一首 鄭錫 一首 楊虛受 一首 林寬 一首
 李廓 三首 杜彥之二首 釋德隱 二首 釋齊已 三首

文翰類選大成卷第九十二行目錄

左長史上海李伯與編輯
伴 讀慈谿馮厚校正

行類

唐

桃源行

王摩詰

漁舟逐水愛山春。兩岸桃花夾去津。坐看紅樹不知遠。行盡
 青溪不見人。山口潛行始隈隩。山開曠望旋平陸。遙看一處
 攢雲樹。近入千家散花竹。樵客初傳漢姓名。居人未改秦衣
 服。居人共住武陵源。還從物外起田園。月明松下房櫳靜。日
 出雲中鷄犬喧。驚聞俗客爭求集。競引還家問鄉邑。平明閭
 巷掃花開。薄暮漁樵乘水入。初因避地去人間。更聞成仙去

不遠峽裏誰知有人事世中遙望空雲山不疑靈境難聞見
塵心未盡思鄉縣出洞無論隔山水辭家終擬長遊行自謂
經過舊不迷安知峯壑今來變當時只計入山深青溪幾度
到雲林春來徧是桃花水不辨仙源何處尋

老将行

少年十五二十時步行奪取胡馬騎射殺陰山白額虎肯數
鄴下黃鬚兒一身轉戰三千里一劍曾當百萬師漢兵奮迅
如霹靂虜騎崩騰畏疾黎衛青不敗由天幸李廣無功緣數
竒自從弃置便衰朽世事蹉跎成白首昔時飛箭無全目今
日垂楊生左肘路傍時賣故侯瓜門前學種先生柳茫茫古
木連窮巷遼落寒山對虛牖誓令疏勒出飛泉不似潁川空
使酒傾蘭山下雪如雲羽檄交馳日夕聞節使三河募年少
詔書五道出將軍試拂鐵衣如雪色聊持寶劍動星文願得
燕弓射天將恥令越甲鳴吳軍莫嫌舊日雲中守猶堪一戰
樹功勳

燕支行

漢家天將才且雄來時謁帝明光宮萬乘親推双鬣下千官
出餞五陵東誓辭甲第金門裏身作長城玉塞中衛霍才堪
一騎將朝廷不數貳師功趙魏燕韓多勁卒關西俠少何咆
哮報讐只是聞膏膽飲酒不曾妨刮骨畫戟雕戈白日寒連
旗大旆黃塵沒壘鼓遙翻翰海波鳴笳亂動天山月麒麟錦
帶佩吳鉤颯踏青驪躍紫駟拔劍已斷天驕臂歸鞍共飲月
支頭漢兵大呼一當百虜騎相看哭且愁教戰雖令赴湯火
終知上將先伐謀

少年行四首

新豐美酒斗十千。咸陽遊俠多少年。相逢意氣為君飲。繫馬
高樓垂柳邊。

漢家君臣歡宴終。高義雲臺論戰功。天子臨軒賜侯印。將軍
佩出明光宮。

出身仕漢羽林郎。初隨驃騎戰漁陽。孰知不向邊庭苦。縱死
猶聞浹骨香。

一身能臂兩雕弧。虜騎千羣只似無。偏坐金鞍調白羽。紛
射殺五單于。

從軍行三首

旌甲從軍久。風雲識陣難。今朝韓信計。日下斬成安。

鷲頭多奇相。狼頭敢犯邊。寄言征定遠。正是立功年。

旌頭夜落捷書飛。來奏金門者賜衣。白馬將軍頻破鏑。黃龍
戍卒幾時歸。

從軍行

楊炯

烽火照西京。心中自不平。牙璋辭鳳闕。鐵騎繞龍城。雪暗凋
旗畫。風多雜鼓聲。寧為百夫長。勝作一書生。

結客少年場行

盧昇之

長安重游俠。雒陽富才雄。玉劍浮雲騎。金鞭明月弓。鬪鷄過
渭北。走馬向關東。孫賓遙見待。郭解暗相通。不受千金爵。誰
論萬里功。將軍下天上。虜騎入雲中。烽火夜似月。兵氣曉成
虹。橫行徇知己。負羽遠從戎。龍旌昏朔霧。鳥陣卷胡風。追奔
瀚海咽。戰罷陰山空。歸來謝天子。何如馬上翁。

棹歌行

駱賓王

寫月圖黃罷。凌波拾翠通。鏡花搖艾日。衣麝入荷風。葉露舟
難蕩。蓮疎浦易空。鳳媒羞自託。鴛翼恨難窮。秋帳燈光翠。倡
樓粉色紅。相思無別曲。併在棹歌中。

從軍行

虞世南

塗山烽候驚。弭節度龍城。冀馬樓蘭將。燕犀上谷兵。劔寒花
不落。弓曉月逾明。凜之嚴霜節。冰壯黃河絕。蔽日卷征蓬。浮
天散飛雪。全兵值月滿。精騎乘膠折。結髮早驅馳。辛苦事旌
麾。馬凍重關冷。輪摧九折危。獨有西山將。年之屬數奇。

結客少年場行

韓魏多奇節。個儻遺名利。共矜然諾心。各負縱橫志。結友一
言重。相思千里至。綠沉明月弦。金絡浮雲轡。吹簫入吳市。擊
筑游燕肆。尋源博望侯。結客遠相求。少年重一顧。長驅背龍
頭。敵之霜戈動。耿之劔虹浮。天山冬夏雪。交河南北流。雲起
龍沙暗。木落鴈行秋。輕生徇知己。非是為身謀。

漢苑行二首

王涯

回鴈高飛太液池。新花低發上林枝。年光到處皆堪賞。春色
人間捨未知。

二月風光變柳條。九天鈞樂奏雲韶。蓬萊殿後花如錦。紫閣
階前雪未消。

熱海行送崔侍御還京

岑參

側聞陰山胡兒語。西頭熱海水如煮。海上衆鳥不敢飛。中有
鯉魚長且肥。岸傍青草常不歇。空中白雪遙旋滅。蒸沙爍石
燃虜雲。沸浪炎波煎漢月。陰火潛燒天地爐。何事偏烘西一
隅。勢吞月窟侵太白。氣連赤坂通單于。送君一醉天山郭。正

見夕陽海邊落。柏臺霜威寒逼人。熱海炎氣為之薄。

走馬川行奉送封大夫出師西征

君不見。走馬川行雪海邊。平沙莽莽黃入天。輪臺九月風夜
吼。一川碎石大如斗。隨風滿地石亂走。匈奴草黃馬正肥。金
山西見烟塵飛。漢家大將西出師。將軍金甲夜不脫。半夜軍
行戈相撥。風頭如刀面如割。馬毛帶雪汗氣蒸。五花連錢旋
作泥。幕中草檄硯水疑。虜騎聞之應膽懼。料知短兵不敢接。
車師西門佇獻捷。

燕歌行

高適夫

漢家烟塵在東北。漢將辭家破殘賊。男兒本自重橫行。天子
非常賜顏色。提金伐鼓下榆關。旌旆逶迤碣石間。校尉羽書
飛翰海。單于獵火照狼山。山川蕭條極邊土。胡騎憑陵雜風
雨。戰士軍前半死生。美人帳下猶歌舞。大漠窮秋塞草腓。孤
落日闌兵稀。身當恩遇常輕敵。力盡關山未解圍。鐵衣遠戍
辛。勤久玉筋應啼別離後。小婦城南欲斷腸。征人薊北空回
首。邊庭飄飄那可度。絕域蒼茫無所有。殺氣三時作陣雲。寒
聲一夜傳刀斗。相看白刃血紛紛。死節從來豈顧勳。君不見
沙場征戰苦。至今猶憶李將軍。

古大梁行

古城莽蒼饒荆棘。駢馬荒城愁殺人。魏王宮觀盡禾黍。信陵
賓客隨灰塵。憶昨雄都舊朝市。軒車照耀歌鐘起。軍容帶甲
三十萬。國步連營五千里。金盛湏臾那可論。高臺曲池無復
存。遺墟但見狐狸跡。古地空餘草木根。莫天寥落傷懷抱。撫
劍悲歌對秋草。俠客猶傳朱亥名。行人尚識夷門道。白壁黃金

萬戶侯寶刀駿馬填山丘。年代淒涼不可問。往來惟見水東流。

邯鄲少年行

邯鄲城南遊俠子。自矜生長邯鄲裏。干場縱博家仍富。幾處報讐身不死。宅中歌笑日紛紛。門外車馬如雲屯。未知肝膽向誰是。令人却憶平原君。不見今人交態薄。黃金用盡還踈索。以茲感歎辭舊遊。更於時世無所求。且與少年飲美酒。往來射獵西山頭。

薊門行二首

邊城十一月。雨雪亂霏。元戎號令嚴。人馬亦輕肥。羌胡無蓋日。征戰幾時歸。

一州多騎射。結髮重橫行。一朝事將軍。出入有聲名。絲。獵秋草。相向角弓鳴。

渭川少年行

崔顥

洛陽二月梨花飛。秦地行人初憶歸。揚鞭走馬城南陌。朝逢驛使秦川客。驛使前日發章臺。傳道長安春早來。棠梨宮中燕初至。蒲萄館裏花正開。念此使人歸更早。三月便達長安道。長安道上春可憐。搖風蕩日曲江邊。萬戶樓臺臨渭水。五陵花柳滿秦川。

秦川寒食盛繁華。遊客春來不到家。鬪鷄下社塵初合。走馬章臺日未斜。章臺帝城稱貴里。青樓日晚歌鍾起。貴里豪家白馬驕。五陵年少不相饒。雙。挾彈來金市。兩。鳴鞭上渭橋。渭城壚頭酒新熟。金鞍白馬誰家宿。可怜錦瑟爭琵琶。玉壺清酒就君家。小婦春來不解羞。嬌歌一曲楊柳花。

孟門行

黃雀銜黃花。翩。傍簾櫳。本擬報君恩。如何反彈射。金罍美酒滿座春。平原愛才多。衆賓滿堂盡是忠義士。何意得有諛諛人。諛言反覆那可道。能令君心不自保。北園新栽桃李枝。根株未固何轉移。成陰結實君自取。若問傍人那得知。

相逢行

妾年初二八。家住洛橋頭。玉戶臨池道。朱門近御溝。使君何假問。夫婿大長秋。女弟新承寵。諸元近拜侯。春生百子殿。花發五城樓。出入千門裏。年。樂未休。

長干行

家臨九江水。來去九江側。同是長干人。生小不相識。

江南行三首

君家何處住。妾住在橫塘。停船借問。或恐是同鄉。下渚多風浪。蓮船漸覺稀。那能不相待。獨自逆潮歸。三江潮水急。五湖風浪涌。由來花信輕。莫為蓮舟重。

放歌行答從弟墨卿

李頎

小米好文耻學武。世上功名不解取。雖沾寸祿已後時。徒欲出身事明主。柏梁賦詩不及宴。長楸走馬誰相數。歛跡俛首心自甘。高歌擊節聲半苦。由是蹉跎一老夫。養鷄牧豕東城隅。空歌漢代蕭相國。肯事霍家馮子都。徙尔當年聲籍。溢作詞林兩京客。故人斗酒安陵橋。黃鳥春風洛陽陌。吾家今弟才不羈。五言破的人共推。興來逸氣如濤湧。千里長江歸海時。別離短景何蕭索。佳句相思能間作。舉頭遙望魯陽山。木葉紛紛向人落。

緩歌行

小來脫身攀貴游，傾財破產無所憂。暮擬經過石渠署，朝將出入銅龍樓。結交杜陵輕薄子，謂言可生復可死。沉一浮會有時，弃我翻然如脫屣。男兒立身須自強，十年閉戶穎水陽。業就功成見明主，擊鍾鼎食坐華堂。二八蛾眉梳墮馬，美酒清歌曲房下。文昌宮中賜錦衣，長安陌上退朝歸。五侯賓從莫敢視，三省官僚揖者稀。早知今日讀書是，悔作從前狂俠兒。

古從軍行

白首登山望烽火，黃昏馬傍交河行。人刁斗風沙暗，公主琵琶幽怨多。野雲萬里無城郭，雨雪紛紛連大漠。胡雁哀鳴夜不飛，胡兒眼淚雙雙落。聞道玉門猶被渡，應將性命逐輕車。年：戰骨埋荒外，空見蒲萄人。數家。

野田黃雀行

儲光羲

嘖嘖野田雀，不知軀體微。閑穿深叢裡，爭食復爭飛。窮老一顏舍，棗多桑葉稀。無棗猶可食，無桑何以衣。蕭條空倉暮，相引時來歸。斜路豈不捷，渚田豈不肥。水長路且壞，則與違。

漢苑行

張繪之

春風淡、影悠悠、鸞轉高枝鷺入樓。千步回廊聞鳳吹，珠簾處、上銀鈎。

張公子行

常建

日出乘釣舟，嫋嫋垂釣竿。涉淇傍荷花，駘馬閑金鞍。使君白雲中，腰間懸轆轤。出門事嫖姚，為君西擊胡。兵漢騎相馳，逐轉戰孤軍。海西北百尺，旌竿沉黑雲。邊笳落日不堪聞。

長歌行

王少伯

曠野絕悲風。多蒿草。繫馬倚白楊。誰知我懷抱。所是同袍者。相逢。及衰老。况登漢家陵。南望長安道。上有枯樹根。下有石鼠窠。高皇子孫盡。千載無人過。寶玉頻發掘。精靈其奈何。人生須信命。有酒且長歌。

少年行

西陵俠少年。客過短長亭。青槐夾兩路。白馬如流星。聞道羽書急。單于寇井陘。氣高輕赴難。誰顧燕山銘。

放歌行

南渡洛陽津。西望十二樓。明堂坐天子。月朔朝諸侯。清樂動千門。皇風被九州。慶雲從東來。泱泱抱日流。昇平貴論道。文墨將何求。有召徵草澤。微誠獻謀猷。冠冕如星羅。拜揖曹與周。望塵非君事。八賦且遲留。幸蒙國士識。因脫負薪裘。今者放歌行。以慰梁甫愁。但榮數斗祿。奉養父母羞。若得金膏遂。飛雲亦可求。

從軍行四首

烽火城西百尺樓。黃昏獨坐海風秋。更吹橫笛關山月。誰解金閨萬里愁。

琵琶起舞換新聲。總是關山舊別情。撩亂澹愁彈不盡。高山秋月照長城。

青海長雲暗雪山。孤城遙望鷹門關。黃沙百戰穿金甲。不破樓蘭終不還。

秦時明月漢時關。萬里長征人未還。但使龍城飛將在。不教胡馬度陰山。

草書歌行

李太白

少年上人號懷素草書天下稱獨步。墨池飛出北溟魚。筆鋒
殺盡山中兔。八月九月天氣涼。酒徒詞客滿高堂。戲麻素絹
排數箱。宣州石硯墨色光。吾師醉後倚繩床。須臾掃盡數千
張。飄風驟雨驚颯。落花飛雪何茫茫。起來向壁不停手。一
行數字大如斗。恍如聞神鬼驚時。只見蛟龍走左盤。右
感如飛電。狀同楚漢相攻戰。湖南七郡凡幾家。家之屏障書
題徧。王逸少。張伯英。古來幾許浪得名。張顛老死不足數。我
師此義不師古。來萬事貴天生。何必要公孫大娘渾脫舞。

野田黃雀行

遊莫逐炎洲翠。棲莫近吳宮鶯。炎洲逐翠遭網羅。吳宮火起
焚爾窠。蕭條兩翅蓬蒿下。縱有鷹鷂奈爾何。

短歌行

白日何短短。百年苦易滿。蒼穹浩茫茫。萬劫太極長。麻姑垂
兩鬢。一半已成霜。天公見玉女。大笑憶千場。吾欲攬六龍。迴
車掛扶桑。北斗酌美酒。勸龍各一觴。富貴非所願。為人駐顏
光。

從軍行二首

從軍玉門道。逐虜金微山。笛奏梅花曲。刀開明月環。鼓聲鳴
海上。兵氣擁雲間。願斬單于首。長驅靜鐵關。
百戰沙場碎鐵衣。城南已合數重圍。笑營射殺呼延將。獨領
殘兵千騎歸。

日出東南隅行

日出東方隈。似從地底來。歷天又入海。六龍所舍安在哉。其

始與終古不息。人非元氣，安能與之？徘徊草不謝，榮於春風。木不怨落於秋天。誰揮鞭策驅四運，萬物與歌皆自然。羲和羲和，汝奚汨沒於荒淫之波。魯陽何德，駐景揮戈，逆道違天。矯誣實多，吾將囊括大塊，浩然與溟滓同科。

笑歌行

笑矣乎，笑矣乎。君不見曲如鉤，古人知爾封公侯。君不見直如弦，古人知爾死道邊。張儀所以只掉三寸舌，蘇秦所以不墜二頃田。笑矣乎，笑矣乎。君不見滄浪老人歌一曲，遠道滄浪灌吾足。平生不解謀此身，虛作離騷遣人讀。笑矣乎，笑矣乎。趙有豫讓，楚有屈原，賣身買得千年名。巢由洗耳有何益，夷齊餓死終無成。君愛身後名，我愛眼前酒。飲酒眼前樂，虛名何處有。男兒窮通當有時，曲腰向君，不知猛虎不看柎。上肉洪鑪，不鑿裏中錐。笑矣乎，笑矣乎。竊武子，朱買臣，叩角行歌，背負薪。今日逢君，不識，豈得不如佯狂人。

上留田行

行至上留田，孤墳何崢嶸。積此萬古恨，春草不復生。悲風四邊來，腸斷白楊聲。借問誰家地，埋沒蒿里塋。古老向余言，走上留田。蓬科馬鬣今已平，昔之弟死，死不葬。他人於此舉銘旌，一鳥死，百鳥鳴。一獸走，百獸驚。桓山之禽，別離苦，欲去回翔不能征。田氏倉卒骨肉分，青田白日摧紫荊。交柯之木本同形，東枝顛顛西枝榮。無心之物尚如此，參商胡乃尋天兵。孤竹延陵讓國揚名高，風緬灑頰波激清。尺布之謠塞耳不能聽。

貧交行

杜子美

翻手作雲覆手雨。紛之輕薄何須數。君不見管鮑貧時交。此道今人棄如土。

醉歌行

陸機二十作文賦。汝更少年能綴文。總角草書又神速。世上兒子徒紛紛。驊騮作駒已汗血。鷲鳥舉翮連青雲。詞源倒流三峽水。筆陣獨掃千人軍。只今年纔十六七。射策君門期第一。舊穿楊葉真自知。暫蹶霜蹄未為失。偶然擢秀非難取。會是排風有毛質。汝身已見唾成珠。汝伯何由髮如漆。春光淡沲秦東亭。渚蒲牙白水荇青。風吹客衣日杲杲。樹攬離思花冥冥。酒盡沙頭双玉瓶。衆賓皆醉我獨醒。乃知貧賤別更苦。吞聲躑躅涕淚零。

麗人行

三月三日天氣新。長安水邊多麗人。態濃意遠淑且貞。肌理細膩骨肉勻。繡羅衣裳照暮春。盛金孔雀銀麒麟。頭上何所有。翠為鬋。葉垂鬢。唇背後何所見。珠壓腰極穩。稱身就中雲。幕椒房親賜名。大國號與秦。紫駝之峯出翠釜。水精之盤行素鱗。犀筋厭飫久未下。銜刀縷切空紛紛。黃門飛鞚不動塵。御厨絡繹送八珍。簫鼓哀吟感鬼神。賓從雜遝實要津。後來鞍馬何逡巡。當軒下馬入錦茵。楊花雪落覆白蘋。青鳥飛去銜紅巾。炙手可熱勢絕倫。慎莫近前丞相嗔。

古柏行

孔明廟前有老柏。柯如青銅根如石。霜皮溜雨四十圍。黛色參天二千尺。君臣已與時際會。樹木猶為人愛惜。雲來氣接巫峽長。月出寒通雪山白。憶昨路繞錦亭東。先主武侯同閟

宮崔嵬枝幹郊原古。窈窕丹青戶牖空。落盤踞雖得地。冥
冥孤高多烈風。扶持自是神明力。正直元因造化功。大厦如
傾要梁棟。萬牛回首丘山重。不露文章世已驚。未辭剪伐誰
能送。苦心未免容螻蟻。香繁終經宿。鴛鳳志士幽人莫怨嗟。
古來材大難為用。

兵車行

車麟馬蕭。行人弓箭各在腰。耶娘妻子走相送。塵埃不
見咸陽橋。牽衣頓足攔道哭。聲直上千雲霄。道過者問
行人。行人但云點行頻。或從十五北防河。便至四十西營田。
去時里正與裹頭。歸來頭白還戍邊。庭流血成海水。武皇
開邊意未已。君不聞漢家山東二百州。千村萬落生荆杞。縱
有健婦把鋤犁。禾生龍馱無東西。况復秦兵耐苦戰。被驅不
異犬與鷄。長者雖有問。役夫敢伸恨。且如今年冬。未休關西
卒。縣官急索租。稅從何出信知生男惡。反是生女好。生女
猶得嫁比鄰。生男埋沒隨百草。君不見青海頭。古來白骨無
人收。新鬼煩冤舊鬼哭。天陰雨濕聲啾啾。

洗兵馬行

中興諸將收山東。捷書夜報清書同。河廣傳聞一葦過。胡為
命在破竹中。抵殘鄴城不日得。獨任朔方無限功。京師皆騎
汗血馬。回紇餒肉蒲萄宮。已喜皇威清海岱。常思仙仗過崆
峒。三年笛裏關山月。萬國兵前草木風。成王功大心轉小。郭
相謀深古來少。司徒清鑒懸明鏡。尚書氣與秋天杳。二三豪
俊為時出。整頓乾坤濟時了。東走無復憶鱸魚。南飛各有安
巢鳥。青春復隨冠冕入。紫禁正耐煙花繞。鶴駕通宵鳳輦備。

雞鳴問寢龍樓曉攀龍附鳳勢莫當天下盡化為侯王汝等
豈知蒙帝力時來不得誇身強關中既留蕭丞相幕下復用
張子房張公一生江海客身長九尺鬚眉蒼微起適遇風雲
會扶顛始知籌策良青袍白馬更何有後漢今周喜再昌寸
地尺天皆入貢奇祥異瑞爭來送不知何國致白環復道諸
山得銀甕隱士休歌紫芝曲詞人解撰河清頌田家望之惜
雨乾布穀慶催春種淇上健兒歸莫懶城南思婦愁多夢
安得壯士挽天河淨洗甲兵長不用

入秦行

竇侍御驥之子鳳之雛年未三十忠義俱骨鯁絕代無烟如
一段清水出萬壑置在迎風寒露之玉壺蔗漿歸厨金盃凍
先條須熟之以寧君軀政用疎通合典則厥職憂昔耽文儒
兵革未息人未蘇天子亦念西南隅吐蕃憑陵氣頗驍竇氏
檢察應時須運糧繩橋壯士喜斬木火井窮猿呼八州刺史
思一戰三城守邊却可圖此行入秦計未小密奉聖旨恩宜
殊繡衣春當霄漢立綵服日向庭闈趨首即京尹必俯拾江
花未落還成都肯訪浣花老翁無為君酤酒滿眼酤與奴白
飯馬青藜

高都護驄馬行

安西都護胡青驄聲價欒然來向東此馬臨陣久無敵與人
一心成大功功成惠養隨所致飄飄遠自流沙至雄姿未受
伏櫪恩猛氣猶思戰場利腕促蹄高如踏鐵交河幾蹴層冰
裂五花散作雲滿身萬里方看汗流血長安壯兒不敢騎走
過掣電傾城知青絲絡頭為君老何由却出橫門道

李鄴縣丈人胡馬行

丈人駿馬名胡騮前年避胡過金牛回鞭却走見天子朝飲
漢水暮靈州自矜胡騮奇絕代乘出千人萬人愛一聞說盡
急難材轉益愁向驚駘鞦頭上銳耳批秋竹脚下高蹄削寒
玉始知神龍別有種不比俗馬空多肉洛陽大道時再清累
日喜得俱東行鳳臆龍鬣未易識側身注目長風生

駘馬行

鄧公馬癖人共知初得花駘大宛種夙昔傳聞思一見牽來
左右神皆竦雄姿逸態何峭崿顧影驕嘶自矜寵隅目青
夾鏡懸肉駿碾礪連錢動朝來久試華軒下未覺千金滿高
價赤汗微生白雪毛銀鞍却覆香羅帕卿家舊物公能取天
麻真龍此其亞畫洗須騰涇渭深朝趨可刷幽并夜喜聞良
驪老始成此馬數年人更驚豈有四蹄疾如鳥不與八駿俱
先鳴時俗造次那得致雲霧晦冥方降精近聞下詔喧都邑
尚使麒麟地上行

偏側行

偏側何偏側我居巷南子巷北可恨鄰里間十日不一見顏
色自從官馬送還官行路難行澁如棘我貧無乘非無足昔
者相遇今不得實不是愛微軀又非關乏無力徒步翻愁官
長怒此心炯君應識曉來急翻風顛睡美不聞鍾鼓傳東
家寒驢許借我泥滑不敢騎朝天已令請急會通籍男兒性
命絕可憐焉能終日心拳憶君誦詩神凜然辛夷始花亦
已落况我與子非壯年街頭酒價常苦貴方外酒徒稀醉眠
速宜相就飲一斗恰有三百青銅錢

去矣行

君不見韝上鷹一飽則飛掣焉能作堂燕銜泥附炎熱野人
曠蕩無醜顏豈可以在王侯間未試囊中滄玉法明朝且入
藍田山。

莫相疑行

男兒生無所成頭皓白牙齒欲落真可惜憶獻三賦蓬萊宮
自怪一日聲輝赫集賢學如堵墻觀我落筆中書堂往時文
彩動人主此日飢寒趨路傍晚將木契託年少當面輸心背
面笑寄謝悠悠世上兒不爭好惡莫相疑。

今夕行

今夕何夕歲云徂更長燭明不可孤咸陽客舍一事無相與
博塞為歡娛馮陵大叫呼五白袒跣不肯成泉盧英雄誰有時
亦如此邂逅豈即非良圖君莫笑劉毅從來布衣頭家無擔
石輸百萬

杜鵑行

君不見昔日蜀天子化為杜鵑似老鳥寄巢生子不自啄群
鳥至今為哺雛雖同君臣有舊禮骨肉滿眼身羈孤業工竄
伏深樹裏四月五月偏號呼其声哀痛口流血所訴何事常
區區爾豈推殘始發憤羞帶羽翮傷形愚蒼天变化誰料得
萬事反覆何所無萬事反覆何所無豈憶當殿群臣趨。

縛鷄行

小奴縛鷄向市賣鷄被縛急相喧爭家中厭鷄食虫蟻不知
鷄賣還遭烹虫鷄於人何厚薄善叱奴人解其縛鷄虫得失
繫了時一目寒江倚山閣。

短歌行贈王郎司直

王郎酒酣拔劍斫地歌莫哀我能拔爾抑塞磊落之奇才。豫
揮翻風白日動鯨魚。浪滄溟開且說劍佩休徘徊。西得諸
侯棹錦水欲向何門。玃珠履仲宣樓頭春已深。青眼高歌望
吾子。眼中之人吾老矣。

漢陂行

岑參兄弟皆好奇。攜我遠來遊漢陂。天地黥慘忽異色。波濤
萬頃堆琉璃。琉璃漫汗泛舟入。事殊興極憂思集。鼉作鯨吞
不復知。惡風白浪何嗟及。主人錦帆相為開。舟子喜甚無氛
埃。鳧鷖散亂棹謳發。絲管啁啾空翠來。沈竿續蔓深莫測。菱
葉荷花靜如拭。宛在中流渤澥清。下歸無極南。黑半陂已南
純浸山。影動裏宛中。融間船舷。暝長雲際寺。水面月出藍田
關。此時驪龍亦吐珠。馮夷擊鼓群龍趨。湘妃漢女出歌舞。金
支翠旗光有無。咫尺但愁雷雨至。蒼茫不曉神靈意。少壯幾
時奈老何。向來哀樂何其多。

燕歌行

賈幼隣

國之重鎮惟幽都。東威九夷制北胡。五軍精卒三十萬。百戰
百勝擒單于。前臨滹沱後沮水。崇山沃野亘千里。昔時燕山
重賢士。黃金築臺從魏始。倏忽興王定薊丘。漢家又以封王
侯。蕭條魏晉為橫流。鮮卑竊據朝五州。我唐區夏餘十紀。軍
武備赫萬祀。彤弓黃鉞授元帥。墾耕大漠為內地。季秋膠
折邊草腓。治兵羽獵因出師。千營萬隊連旌旗。望之如火忽
電馳。匈奴懾竄窮髮北。大荒萬里無塵飛。隋家昔為天下宰。
窮兵黷武征遼海。南風不競多死聲。鼓卧旗折黃雲橫。六軍

將士皆死盡戰馬空鞍歸故營時遷道革天下平白環入貢
滄海清自有農夫已高枕無勞校尉重橫行

相逢行

韋應物

二十登漢朝英聲邁今古適從東方來又欲謁明主猶酣新
豐酒尚帶灞陵雨邂逅兩相逢別來問寒暑寧知白日晚暫
向花間語忽聞長樂鍾走馬東西去

橫塘行

妾家住橫塘夫婿邠家郎玉盤的歷矢白魚湘簾玲瓏透象
床象床可寢魚可食不知即意何南北岸上種蓮豈得生池
中種蓮豈得成丈夫一去花落樹妾獨長夜心未平

采玉行

官行豈曰丁言采玉絕嶺夜無人深捧雨中宿獨婦向
糧還哀之舍南哭

凌霧行

秋城海霧重職事凌晨出浩之含元天浴之洒明日纒看含
鬢白稍見沾衣密導騎全不分郊樹都如失霏微誤嗷吸膚
腠生寒粟當歸飲一杯庶用蠲此疾

北邙行

王仲初

北邙山頭少閒士盡是洛陽人舊墓舊墓人家歸葬多堆着
黃金無置處天涯悠悠葬日促岡坂崎嶇不停轂高張素幕
繞銘旌夜唱挽歌山下宿洛陽城北復城東魂車祖馬長相
逢車轍廣若長安路蒿草多於松柏樹澗底盤陀石漸稀盡
向墳前作羊虎誰家古碑文字滅後人重取書年月朝之車
馬送葬回遷起大宅與高臺

涼州行

涼州四邊沙浩，漢家無人開舊道。邊頭州縣盡胡兵，將軍別築防秋城。萬里征人皆已沒，羊、旌節發西京。多來中國收婦女，一半生男為漢語。蕃人舊日不耕犁，相學如今種禾黍。驅羊亦着錦為衣，為惜羶裘防闕時。養蠶繅繭成疋帛，那將繞帳作旌旗。城頭山鷄鳴角，洛陽家學胡樂。

溫泉宮行

十月一日天子來，青繩御路無塵埃。宮前內裏湯各別，每箇白玉夫容開。朝元閣向山上起，城繞青山龍暖水。夜開金殿看星河，宮女知更月明垂衣。武皇得仙玉母去，山鷄晝啼宮中樹。溫泉決，出宮流。宮使年，脩玉樓。禁兵去盡無射獵，日西麋鹿登城頭。黎園弟子偷曲譜，頭白人間教歌舞。

寒食行

寒食家，出古城。老人看屋少，年行丘隴年。無舊道，車徒散行入衰草。牧童驅牛下塚頭，畏有家人來灑掃。遠人無墳水頭祭，還引婦姑望鄉拜。三日無火燒紙錢，紙錢那得到黃泉。但看隴上無新土，此中白骨應無主。

田家行

男聲欣，女顏悅。人家不怨言語別，五月雖熱麥風清。簷頭索，縹車鳴。野蠶作蠶人不取，葉間撲。秋蛾生，麥收上場。縮在軸的，知輸得官家足。不望入口復上身，且免向城賣黃犢。田家衣食無厚薄，不見縣門身即樂。

促刺行

促刺復促刺，水中無魚山無石。少年雖嫁不將歸，頭白猶着

父母衣四邊田宅非所有我身不及逐鷄飛出門若有歸死
處猛虎當衢向前去百年不遺踏君門在家誰喚為新婦豈
不見他隣舍娘嫁來長在舅姑傍

射虎行

自去射虎得虎歸官差射虎得虎遲獨行以死當虎命兩人
相疑終不定朝暮空手回山下綠苗已成徑遠立不教
汀箭鏃聞死還來分虎肉惜留猛虎着深山射殺恐畏終身
開

羽林行

長安惡少出名字樓下劫商樓上醉天明下直明光宮散入
五陵松柏中百回殺人身合死赦書尚有收城功九衢一日
消息定鄉吏籍中重改姓出來依舊屬羽林立在殿前射飛

短歌行

人初生日初出上山遲下山疾百年三萬六千朝夜裏分將
強半日有歌有舞聞早為昨日健於今日時人家見生男女
好不知男女催人老短歌行無樂聲

從軍行

漢軍逐單于日沒塞河曲浮雲道傍起行千車下宿營城圍
鼓角喧帳依山谷馬上懸壘力頭分頓肉來時高堂上父
母親結束回首不見家風吹破衣服金瘡生肢節相與拔箭
鏃聞道西涼家婦人哭

遼東行

遼東萬里遼水曲古戍無城復無屋黃雲蓋地雪作山不惜

黃金買衣服。戰回各自收。可箭正西回。回家鄉。遠年之郡縣。
送征人。將與渡東作。丘坂寧為草木鄉。中生有身不向東。
行。

龐西行

秋澤

雪下陽關路。人稀龐皮頭。封狐猶未剪。豈無羞白草。三
夕色黃雲。萬里愁。因思李都尉。事竟不封侯。

少年行

韓君平

千點爛。編噴玉。駝青絲。結尾。繡纏髻。鳴鞭晚。出章臺。路葉
春。依楊柳風。

苦哉行五首

戎昱

妾家清河邊。七葉承貂。身為最小女。偏得渾家憐。親戚不
相識。幽閨十五年。有時最遠出。抵到中門前。二年任胡來。隴
死翻生全。今秋官軍至。豈意遭戈鋌。匈奴為先鋒。長鼻黃髮
拳。彎弓獵生人。百步牛羊羶。脫身落虎口。不及歸黃泉。苦哉
難重陳。暗哭蒼天。

彼鼠侵我厨。縱狸授梁肉。鼠雖為君却。狸食自須足。冀雪大
國恥。翻是大國辱。羶腥逼綺羅。墮雜珠玉。登樓非騁望。目
笑是心哭。何意天樂中。至今奏胡曲。

官軍收洛陽。家住洛陽裏。夫婿與兄弟。目前見傷死。吞聲不
許哭。還遣衣羅綺。上馬隨匈奴。數秋黃塵裏。生為名家女。死
作塞垣鬼。鄉國無還期。天津哭流水。

登樓望天衢。目極淚盈眶。驕笑無笑容。湏妝舊花壓。昔年買
奴僕。奴僕來碎葉。豈意未死間。自為匈奴妾。一生忽至此。萬
事痛苦業。得出塞垣飛。不如彼蜂蝶。

可汗奉親詔。今日歸燕山。忽如亂刀劍。攬妾心腸間。出戶望北荒。道之玉門關。生人為死別。有去無時還。漢月割妾心。胡風凋妾顏。去之斷絕魂。呼天不聞。

公子行

陳羽

金羈白馬郎。何處踏青來。馬驕郎半醉。躑躅望樓臺。似見樓上人。玲瓏窻戶開。隔花聞一笑。落日不知回。

塞上行

歐陽行周

聞說胡兵欲利秋。昨來投筆到營州。驍雄已許將軍用。邊塞無勞天子憂。

女畊田行

戴幼公

乳鷲入巢筭成竹。誰家二女種新穀。無人無牛不及犁。持刀斫地翻作泥。自言家貧母年老。長兄從軍未娶嫂。去年災疫牛園空。截絹買刀都市中。頭巾掩面畏人識。以刀代牛誰與同。姊妹相攜心正苦。不見路人唯見土。疏通畦隴防亂田。整頓溝塍待時雨。日正南岡下餉歸。可憐朝雉擾驚飛。東隣西舍花發盡。共惜餘芳淚滿衣。

古東門行

柳子厚

漢家三十六將軍。東方雷動橫陣雲。鷄鳴函谷客如霧。貌同心異不可數。赤丸夜語飛電光。徼巡司隸眠如羊。當街一叱百吏走。馮敬曾中函七首。亮徒側耳潛愜心。悍臣破膽皆杜口。魏王臥內藏兵符。子西掩袂真無辜。寇胡轂下一朝起。敵國舟中非所擬。安陵誰辯削礪工。韓國詎明深井里。絕燕斷骨那可補。萬金寵贈不如土。

嗟哉董生行

韓退之

淮水出桐柏山。東馳遙千里。不能休。肥水出其側。不能千里。百里入淮流。壽州屬縣有安豐。唐貞元時。縣人董生名南。隱居於巖中。刺史不能薦。天子不聞名聲。爵祿不及門。門外唯有吏。日來徵租。更索錢。嗟哉董生。朝出耕。夜歸讀古人書。盡日不得息。或山而樵。或水而漁。入厨具甘旨。上堂問起居。父母不憾。妻子不咨。嗟哉董生。孝且慈。人不識。唯有天翁知。生祥下瑞。無休期。家有狗乳。出求食。鷄來哺其兒。啄啄庭中拾蟲蟻。哺之不食。鳴聲悲。傍徨躑躅。久不去。以翼來覆。待狗歸。嗟哉董生。誰將與儔。時之人。夫妻相虐。兄弟為讐。食君之祿。而令父母愁。亦獨何心。嗟哉董生。誰與儔。

塘上行

李長吉

鴈花涼露濕。花缺藕根滋。飛下淮鷺鷥。塘水聲盡。

鴈門太守行

黑雲壓城欲摧。甲光向月金鱗開。角聲滿天秋色裏。塞土
旛脂凝夜紫。半卷紅旗臨易水。霜重鼓聲寒不起。報君黃金
臺上意。提攜玉龍為君死。

白虎行

火烏日暗崩騰雲。秦皇虎視蒼生群。燒書滅國無暇日。鑄劍
佩玦唯將軍。玉壇設醮思冲天。一世二世當萬年。燒丹永得
不死藥。擘舟海上尋神仙。鯨魚張鬣海波沸。耕人半作征人
鬼。雄豪氣猛如談煙。無人為決天河水。誰最苦兮誰最報。
報人義士深相許。漸離擊筑荆卿歌。荆卿把酒燕丹語。劍如霜
兮膽如鐵。出燕城兮望秦月。天授秦風祚未終。衣龍衣點荆
卿血。朱旗卓地白蛇死。漢皇却是真天子。

塘下行

孟東野

塘邊日欲斜。年少早還家。徒將白羽扇。調妾木蘭花。不是城頭樹。那棧來去鴉。

出門行二首

長河悠々去無極。百齡同此可歎息。秋風白露霑人衣。壯心凋落奪顏色。少年出門將訴誰。川無梁兮路無岐。一聞陌上苦寒奏。使我佇立驚且悲。君今得意厭梁肉。豈復念我貧賤時。

海風蕭々天雨霜。窮愁獨坐夜何長。驅車舊憶太行險。始知遊子悲故鄉。美人相思隔天關。長望雲端不可越。手持琅玕欲有贈。愛而不見心斷絕。南山峩々白石爛。碧海之中波浩漫。參辰出沒不相待。我欲橫天無羽翰。

求仙行

張文昌

漢皇欲作飛仙子。年々採藥東海裏。蓬萊無路海無邊。方士丹中相就死。招搖在天因白曰。甘泉玉樹無仙實。九皇真人終不下。空向離宮祠太一。丹田有氣疑素華。君能保之昇絳霞。

楚宮行

童華宮中九月時。桂花未落紅橘垂。江頭騎火照輦道。君王夜後雲夢歸。霓旌鳳蓋到雙闕。臺上重々歌吹發。千門萬戶開相當。燭龍左右列成行。下輦更衣入洞房。洞房侍女盡焚香。玉階羅幕微有霜。齊言此夕樂未央。玉酒湛々盈華觴。絲竹次第鳴中堂。巴姬起舞向君王。迴身垂手結明璫。願君千年萬年壽。朝出射麋夜飲酒。

羈旅行

遠客出門行路難。停車斂策在門端。荒城無人雪滿路。野火
燒橋不得度。寒虫入窟鳥歸巢。僕問我誰家。去行尋田頭
暗未息。雙轂長轆礙荆棘。緣罔入澗投田家。主人舂米為夜
食。晨鷄喔。茅屋傍。行人起掃車上霜。舊山已別行已遠。身
計未成難復返。長安陌上相識稀。遙望天門白日晚。誰能聽
我辛苦行為向君前歌一聲。

北印行

洛陽北門北印道。喪車麟。入秋草。車前齊唱薤露歌。高墳
新起白冢。朝暮之人送葬。洛陽城中入更多。千金立碑
高百尺。終作誰家住。下石山頭松柏半無主。地下白骨多於
土。寒食家。送紙錢。烏鷲作巢。銜上樹。人居朝市未解愁。請
暫向北印遊。

獨虎行

南山北山樹冥冥。猛虎白日繞林行。向晚一身當道食。山中
麋鹿盡無聲。年。養子在空谷。雌雄上山不相逐。谷中近窟
有山林。長向村家取黃犢。五陵年少不敢射。空來林下看行
跡。

短歌行

青天蕩之高且虛。上有白日無根株。派光暫出還入地。使我
少年不須臾。與君相逢無寂寞。衰老不復如今樂。玉卮盛酒
置君前。再拜願君千萬年。

永嘉行

黃頭鮮卑入洛陽。胡兒持戟昇明堂。晉家天子作降虜。公卿

齊走如牛羊。紫陌旌旛暗相觸。家之鷄犬驚上屋。婦人出門
隨亂兵。夫死眼前不敢哭。九州諸侯自曠土。無人領兵來護
主。北人避胡多在南。南人至今能晉語。

將軍行

彈箏峽東有胡塵。天子擇日拜將軍。蓬萊殿前賜六纛。還領
禁兵為部曲。當朝受詔不辭家。夜向咸陽原上宿。戰車彭彭
旌旗動。三十六軍聲上隴。頭戰勝夜亦行分兵處。收舊
城。胡兒殺盡陰磧暮。擾之唯有牛羊聲。邊人親戚曾戰歿。今
逐官軍收舊骨。磧西行見萬里空。樂府獨奏將軍功。

少年行

少年從出獵。長楊禁中新拜羽林郎。獨到輦前射。双虎君王
十賜黃金當。日之關。始都市裏。贏得寶刀重刻字。百里報
夜出城平明還。在口樓。醉遙聞虜到平陵下。不待詔書行上
馬。斬得名王獻。桂宮封侯起第一日中。不為六郡良家子。百
戰始取邊城功。

沙隄行至裴相公

長安大道沙為隄。早風無塵暖無泥。宮中玉漏下三刻。朱衣
導騎丞相來。路傍高樓息歌吹。千車不行者避街官閭吏。
相傳呼宮前十里。唯空衢白麻詔下移相印。新隄未成舊隄
盡。

傷歌行

黃門詔下促收捕。京兆尹繫御史府。出門無復部曲隨。親戚
相逢不容語。辭成謫尉南海州。受命不得須臾留。身著青衫
騎惡馬。東門之東無送者。郵夫防吏急喧驅。往之驚隨馬蹄

下。長安里中荒大宅。東門已除十二戟。高堂舞榭鑿管絃。美人遙望西南天。

桃源行

劉夢得

漁舟何招。浮在武陵水。拖綸擲餌信流去。誤入桃花源。行數里。清源尋盡花絲。踏花覓徑至洞前。洞門蒼暗煙霧生。暗行數步逢虛明。俗人毛骨驚仙子。爭來致詞何至此。須臾皆破冰雪顏。笑言委曲問世間。因嗟隱身來種玉。不知人世如風燭。慙羞石髓勸客餐。燈熟松脂留客宿。鷄聲犬聲遙相聞。光惹龍開五雲漁人振衣起。出戶滿庭無路花紛紛。翻然恐失鄉縣處。一息不肯桃源住。桃源滿溪水似鏡。塵心如垢洗不去。仙家一出尋無蹤。至今流水山重。

淮陰行二首

船頭大銅鑼。摩澤光陣。早晚使風來。沙頭一眼認。何物令懷羨。即船尾鷺銜泥。赴檣竿宿食長相見。

吳上行三首

酒旗相望大堤頭。堤下連牆堤上樓。日暮行人爭渡急。槳聲幽軋滿中流。

江南江北望烟波。入夜行人相應歌。桃葉傳情竹枝怨。水流無限月明多。

長堤繚繞水裴徊。酒舍旗亭次第開。日晚上簾招買客。朝裁大艦落帆來。

踏歌行四首

春江月出大堤平。堤上女郎連袂行。唱盡新詞看不見。紅霞影樹鷓鴣鳴。

桃蹊柳陌好經過。燈下妝成月下歌。為是襄王故宮地。至今猶自細腰多。

新詞宛轉遞相傳。振袖傾鬟風露前。月落烏啼雲雨散。遊童陌下拾花鈿。

日暮江頭聞竹枝。南人行樂北人悲。自從雪裡唱新曲。直至三春花盡時。

採菱行

白馬湖平秋日光。紫菱如錦綠鶯翔。盃舟遊女滿中央。採菱不顧馬上郎。爭多逐勝紛相向。時轉蘭橈破輕浪。長鬢弱袂動參差。釵影釧文浮蕩漾。笑語哇咬顧晚暉。菱花綠岸扣舷歸。來共到市橋步野蔓。繫船萍滿衣。家之竹樓臨廣陌。下有連橋多古客。鶻鶻鴛鴦夜經過。醉踏大堤相應歌。屈平祠下。沉江水。月照寒波白烟起。一曲南音此地聞。長安北望三千里。

琵琶行

白樂天

潯陽江頭夜送客。楓葉荻花秋瑟瑟。主人下馬客在船。舉酒欲飲無管絃。醉不成歡慘將別。別時茫茫江浸月。忽聞水上琵琶聲。主人忘歸客不發。尋聲暗問彈者誰。琵琶聲停欲語遲。移船相近邀相見。添酒回燈重開宴。千呼萬喚始出來。猶抱琵琶半遮面。轉軸撥絃三兩聲。未成曲調先有情。絃掩抑聲。思似訴平生。不得志。低眉信手續續。彈說盡心中無限事。輕攏慢撚撥復挑。初為霓裳後六么。大絃嘈嘈如急雨。小絃切切如私語。嘈切錯雜彈大珠小珠落玉盤。間關鶯語花底滑。幽咽泉流水下灘。冰泉冷澀絃疑絕。疑絕不通。

卷九十一 琵琶行 三十一

聲暫歇別有幽愁暗恨生此時無聲勝有聲銀瓶乍破水漿
迸鐵騎突出刀鎗鳴曲終抽撥當心畫四絃一聲如裂帛東
船西舫悄無言唯見江心秋月白沉吟收撥插絃中整頓衣
裳起斂容自言本是京城女家在蝦蟆陵下住十三學得琵琶
成名屬教坊第一部曲罷常教善才服妝成每被秋娘妬
五陵年少爭纏頭一曲紅綃不知數鈿頭銀篦擊節碎血色
羅裙翻酒污今年歡笑復明年秋月春風等閑度弟走從軍
阿嬈死暮去朝來顏色故門前冷落鞍馬稀老大嫁作商人
婦商人重利輕別離前月浮梁買茶去去來江口守空船
船明月江水寒夜深忽夢少年事夢啼粧淚紅闌干我聞琵琶
已歎息又聞此語重唧唧同是天涯淪落人相逢何必曾
相識我從去年辭帝京謫居卧病潯陽城潯陽地僻無音樂
終歲不聞絲竹聲住近湓江地低濕黃芦苦竹遶宅生其間
旦暮聞何物杜鵑啼血猿哀鳴豈無山歌與村笛啞啞啾啾
難為聽今夜聞君琵琶語如聽仙樂耳暫明莫辭更坐彈一
曲為君翻作琵琶行感我此言良久立却坐促絃三轉急淒
淒不似向前聲滿座聞之皆掩泣就中泣下誰最多江州司
馬青衫濕

浩歌行

天長地久無終畢昨夜今朝又明日髮髮蒼浪牙齒疎不覺
身年四十七前去五十有幾年把鏡照面心茫然既無長繩
繫白日又無大藥駐朱顏朱顏日夜不如故青史功名在何
處欲留年少待富貴富貴不來年少去復去兮如長河東
流赴海無迴波賢愚貴賤同歸盡北邙塚墓高嵯峨古來如

此非獨我未死有酒且高歌顏回短命伯夷餓我今所得亦
已多功名富貴須待命。苟未來知柰何。

汾陰行

李巨山

君不見昔日西京時。滅陰后土親祭祠。齋宮宿寢設厨供。撞
鐘鳴鼓樹羽旗。漢家四葉才且雄。宿延萬靈服九戎。柏梁賦
詩高宴罷。詔書法駕幸河東。河東太守親掃除。奉迎至尊導
鑾輿。五營將校列容衛。三河縱觀空里閭。回旌駐蹕降靈場。
焚香奠醑邀百祥。金鼎發食正焜煌。靈祇煒燁據景光。埋玉
陳牲禮神畢。舉麾上馬乘輿出。彼汾之曲嘉可游。木蘭為檝
桂為舟。棹歌微吟綵鷁浮。簫鼓哀鳴白雲秋。歡娛宴洽賜群
后。家之復除戶牛酒。聲明動天樂無有。千秋萬歲南山壽。自
從天子向秦關。玉輦金車不復還。珠簾羽帳長寂寞。鸛湖龍
鬕安可攀。千齡人事一朝空。四海為家山路窮。雄豪意氣今
何在。壇場宮館盡蒿蓬。路逢古老長歎息。世事回環不可測。
昔時青樓對歌舞。今日黃埃聚荆棘。山川滿目淚沾衣。富貴
榮華能幾時。不見只今汾水上。唯有年年秋鴈飛。

壯士行

施肩吾

一斗之膽撐臟腑。如礪之筋凝臂骨。有時悞入千人叢。自覺
一身橫突兀。當今四海無烟塵。膏襟被壓不得伸。凍臬殘薑
我不取。汚我匣裏青蛇鱗。

少年行

令狐慤士

少小邊州慣。放在騁騎為射黃羊。如今年老無筋力。獨倚
營門數鴈行。

從軍行三首

卷之二十一

二十一

二十一

孤心眠夜雪滿眼是秋沙。萬里猶防寒。三年不見家。
却望冰河闊。前登雪嶺高。征人幾多在。又擬戰臨洮。
胡風千里驚。漢月五更明。縱有還家夢。猶聞出塞聲。

故絳行

杜頴

君不見銅鞮觀數里。城池已蕪蔓。君不見祈禱宮。幾重臺榭
亦微濛。介馬兵車全盛時。歌童舞女妖艷姿。一代繁華皆共
絕。九原唯望塚壘。

俠客行

元微之

俠客不怕死。怕在事不成。事成肯藏姓名。我非竊賊誰夜行。
白日堂。殺索益。九衢草。人面青。此客此心歸海鯨。海鯨
露背橫。倉冥海波分作兩處生。海波分。海減力。俠客有謀人
天測三尺鐵蛇延二國。

公子行

雍國鈞

公子風流輕錦繡。新裁白苧作春衣。金鞭留當誰家酒。拂柳
穿花信馬歸。

從軍行六首

劉文房

迴首虜騎合。城下漢兵稀。白刃兩相向。黃雲愁不飛。手中無
尺鐵。徒欲穿重圍。

落日更蕭條。北風動。拓草將軍追虜騎。夜失陰山道。戰敗仍
樹勛。韓彭但空老。

草枯秋塞上。望見漁陽郭。胡馬嘶一聲。漢兵淚雙落。誰為吮
難者。此事今人薄。

白首功歸天下人。
日松鴈門道。青。邊草春。一身事征戰。匹馬同辛。勤末路成

倚劔白日暮望鄉登戍樓北風吹羌笛此夜關山愁迴首不
無意滄河空自流

黃沙一萬里白首無人憐報國劔已折歸鄉身幸全單于古
暮年滄色寒蒼然

漢宮少年行

李君虞

君不見上宮警夜營八屯鼓朝朱軒玉階霜仗擁未
合少年排人銅龍門暗聞弦管九天上宮漏沉清吹繁繞
明芝馬絕馳道呼鷹挾彈通繚垣玉籠金鎖養黃口探雞取
郊伴王孫分曹六博快一擲迎歡先意笑語喧巧為柔媚學
優孟儒衣嬉戲冠沐猴晚來香街經柳市行過倡市宿桃根
相逢盃酒一言失回朱點白聞至尊金張許史伺顏色王侯
將相莫敢論豈知人事無定勢朝歡暮戚如掌翻椒房寵移
子愛奪一夕秋風生戾園佞用黃金將買賦寧知白玉貽成
痕持杯收水已覆從薪避火更燔欲求四老張丞相南
山如天不可上

野田行

日沒出古城野田何茫茫寒狐上孤塚鬼火燒白楊昔人未
為泉下客行到此中曾斷腸

東郊行

溫飛卿

闔鷄臺下東西道柳覆班雉蝶紫草塊靄韶容鎖澹愁青筐
葉盡蠶應老綠渚幽香注白蘋差小浪吹魚鱗王孫騎馬
有歸意林彩空中如細塵安得一生各相守燒船破棧休馳
走世上方應無別離路傍更長千條柳

春野行

草淺春如翦花豎李娘愁飢蟻欲成鹽東城年少氣堂
金丸驚起雙鴛鴦含羞更問衛公子月到枕前春夢長

塞寒行

燕弓弦勁霜封瓦撲簌寒鷗睇平野一點黃塵起鴈喧白龍
堆下千蹄馬河源怒濁風如刀翦斷朔雲天更出榆關
遂征北驚沙飛近衝貂袍心許凌烟名不滅年錦字傷離
別彩毫一畫竟何榮空使青樓淚成血

鳴鴈行

鮑德源

七月朔方鴈心苦聯影翻空落南土八月江南陰復暗浮雲
繞天難夜行羽翼勞痛心虛驚一聲相呼百處鳴楚童夜宿
烟波測沙上苜羅連草色月闇風悲欲下天不知何處容棲
息楚童胡為傷我神爾不曾作遠行人江南羽族本不少寧
得網羅此客鳥

將軍行

劉希夷

將軍關轅門耿介當風立諸將欲言事逡巡不敢入劔氣射
雲天鼓聲破原隰黃塵塞路起走馬追兵急彎弓從此去飛
箭如雨集截圍一百重斬首五千級代馬流血死胡人抱鞍
泣古來養甲兵有事常討虜乘我廟堂運坐使干戈戢獻凱
歸帝京軍容何翕習

公子行

天津橋下陽春水天津橋上繁華子馬聲迴合青雲外人影
搖揚綠波裏綠波清迥玉為砂青雲離披錦作霞可憐楊柳
傷心樹可憐桃李斷腸花此日遨遊邀美女此時歌舞入倡
家倡家美女鬱金香飛去飛來公子傍的珠簾白日映娥

娥玉顏紅粉妝。花際徘徊雙蛺蝶。池邊顧步兩鴛鴦。傾國傾
城漢武帝。為雲為雨楚襄王。古來容光人所羨。况復今日遙
相見。願作輕羅著細腰。願為明鏡分嬌面。與君相向轉相親。
與君雙棲共一身。願作貞松千歲古。誰論芳槿一朝新。百年
同謝西山日。千秋萬古北邙塵。

剡溪行却寄新別者

朱放

潺湲寒溪上。自此成離別。回首望歸人。移舟逢暮雪。頻行識
草樹。漸老傷年髮。唯有白雲心。為向東山月。

苦熱行

王穀

祝融南來鞭火龍。火旗焰々燒天紅。日輪當午疑不去。萬國
如在洪爐中。五嶽翠乾雲彩滅。陽侯海底愁波竭。向當一夕
金風發。為我掃却天下熱。

憐德。

江南行

茨菰葉爛別西灣。蓮子花開猶未還。妾夢不離江上水。人傳
郎在鳳凰山。

少年行

崔國輔

遺却珊瑚鞭。白馬騎不行。音塵折楊柳。春草路傍情。

苦寒行

劉司南

嚴寒動八荒。勑々無休時。陽鳥不自暖。雪壓扶桑枝。歲暮寒
益壯。青春安得歸。朔鴈到南海。越禽何處飛。誰言貧士歎。不
為身無衣。

黃雀行

莊南傑

穿屋穿墻不知止。爭樹爭巢入營死。林間公子挾彈弓。一丸

數斃花叢裡。小雛黃口未有知。青天不解高。飛虞人設網。當要路。白日啾朝禍萬幾。

公子行

孟賓于

錦衣紅奪彩霞明。侵曉春游向野庭。不識農夫辛苦力。騎驄踏爛麥青青。

祖龍行

韋楚老

黑雲兵氣射天裂。壯士朝眠夢寃結。祖龍一夜死沙丘。胡亥空隨鮑魚轍。腐肉偷生二千里。為書先賜扶蘇死。墓接驪山土未乾。瑞光已向芒碭起。陳勝城中鼓三下。秦家天地如崩瓦。龍蛇撩亂入咸陽。少帝空隨漢家馬。

春女行

王翰

紫臺宮跨連綠波。軒鈴匝垂織羅。中有一人金作面。隔一幌似無力。行拾落花比容色。落花一度無再春。人生作樂須及辰。君不見。楚王臺上紅顏子。今日皆成狐兔塵。

少年行

韋端已

五陵豪客多。買酒黃金賤。醉下酒家樓。美人雙翠幘。揮劍邯鄲市。走馬梁王苑。樂事殊未央。年華已云晚。

塞上行

李巖夢

莽倉廬。關北孤城帳幕多。客軍甘入陣。老将望回戈。樹盡禽棲草。冰堅路在河。汾陰尋下世。羗虜肯先和。

邯鄲少年行

鄭錫

霞鞍金口騮。豹袖紫貂裘。家住叢臺下。門前漳水流。喚人呈楚舞。借客試吳鉤。見說秦兵至。甘心赴國讐。

後軍行

楊虛受

都尉出居延。強兵集五千。還將張博望。直救范祁連。漢卒悲
簫鼓。胡姬濕采旃。如今意氣盡。流淚揖流泉。

少年行 林寬

柳烟侵御道。門映夾城開。白日莫空過。青春不再來。報讐衝
雪去。乘醉臂鷹迴。看取歌鍾地。殘陽滿壞臺。

長安少年行三首

李廓

金紫少年郎。繞街鞍馬光。身從左中尉。官屬右春坊。劉戴揚
州帽。重薰異國香。垂鞭踏青草。來去杏園芳。

追逐輕薄伴。閑遊不著緋。長櫜出獵馬。數換打毬衣。曉日尋
花去。春風帶酒歸。青樓無晝夜。歌舞歇時稀。

日高春睡足。帖馬賞年華。到插銀魚袋。行隨金犢車。還攜新
市酒。遠醉曲江花。幾度歸侵黑。金吾送到家。

時世行二首

杜光之

夫因兵亂守蓬茅。麻苧裙衫髮焦。桑柘廢來猶納稅。田園
荒尺尚徵苗。時挑野菜和根煮。旋斫生柴帶葉燒。住是深山
更深處。也應無計避征徭。

八十老翁住破村。中牢落不堪論。因供寨木無桑柘。為點
鄉兵絕子孫。還似平寧徵賦稅。未聞州縣畧溫存。至今鷄犬
皆星散。日落西山哭倚門。

善哉行

釋德隱

有美一人兮。婉如青陽。識曲別音兮。令姿煌煌。繡袂捧琴兮。
登君子堂。如彼萱草兮。使我憂忘。欲贈之以紫玉尺。白銀瑤。
久不見之兮。湘水茫茫。

胡無人行

霍嫖姚趙充國。天子將之平朔。漠肉胡之肉。燼胡帳幄。千里
萬里。唯留胡之空殼。遼風蕭蕭。榆葉初落。殺氣晝赤。枯骨夜
哭。將軍既立。殊勳遂有。胡無人曲。我聞之。天子富有四海。德
被無垠。但令一物得所。八表來賓。亦何必令彼胡無人。

君子行

釋齊己

聖人不生。麟龍何瑞。梧桐不高。鳳凰何止。吾聞古之有君子。
行藏以時。進退求己。榮必為天下榮。恥必為天下恥。苟進不
如此。亦何必用虛偽之文章。取榮名而自美。

苦寒行

冰峯撐空寒蟲。雲疑水凍埋海陸。殺物之性。傷人之慾。既
不能斷絕。羨藜荆棘之根株。又不能展鳳凰麒麟之拳跼。如

輕薄行

玉鞭金鐙。驕驕蹄橫眉吐。

一霎花成泥。日沈月上。且

何涕唾。仲尼禮樂。徒

如虹霓。五陵春暖。芳草齊。笙歌
舞。醉來。天高低。怕陽道。德

文獻類選卷九十二

宋

文與可一首 劉原父一首 劉貢父一首 王介甫二首

蘇子瞻一首 蘇子由一首 陳無已二首 張子厚二首

郭功父一首 唐子西一首 宇文叔通一首 朱師美一首

劉無黨五首 周德卿一首 師無忌一首 王紹先一首

闌子秀一首 李欽用一首 元德明一首 蔡正甫一首

元

元裕之一首 楊正外一首 楊煥然三首 劉夢吉四首

陳君采一首 王暉一首 趙子昂一首 元復初一首

苟宗道一首 鮮于伯機一首 李術魯一首 虞伯生二首

馬伯庸一首 王繼學一首 柳道傳一首 郝伯常五首

貫雲石一首 陳剛中一首 楊仲弘一首 揭曼碩一首
李坦之四首 傅與礪一首 張思廉一首 李暉一首
楊廉夫一首 揭希憲二首 汪復亨一首 黃誠夫二首
王原吉一首 留若愚一首 董良史一首 吳師道一首
杜若川一首 陳茂卿一首 王懋建二首 吳立夫三首
張光弼一首 張惟中一首 釋善繼一首

文翰類選大成卷第九十三仁竹目錄

左長史上海李伯璵編輯
伴 讀慈谿馮 厚校正

行類

宋

五原行

文與可

雲蕭蕭。草搖落。風吹黃沙昏。寂寞胡兒滿窟。臥寒日。卓旗繫
馬人一匹。夜來烽火連篝起。銀鷗呼兵捷如鬼。齊集弓刀上
上隴。行犬譟狐。嗥繞空壘。羗人鈔暴為常事。見敵不爭收。若
雨自高聲勢。叙邊功。歲、年、皆一同。將軍玩寇五原上。朝
廷不知但推賞。

荒田行

劉原父

大農棄田避征役。小農挈家就兵籍。良田茫茫少耕者。秋來雨止生荆棘。縣官募兵有著令。募兵如率官有慶。後今無復官勸農。還逐魚鹽作亡命。

上書行

劉貢父

仕不至二千石。賈不至五百萬。此事夸者憂。而非志士歎。君不見下邳少年受書起。幄中運籌制千里。功成不受三萬戶。拂衣歸從赤松子。君不見計倪半策誅強吳。鳴夷扁舟浮五湖。二致千金不自擅。至今籍。宗陶朱。大賢富貴不為已。心事遜與常人殊。逢時致身如反手。雲烝龍變無時無。君勿愛上書獻賦稱賢豪。刺繡倚市相矜高。丈夫昔曾笑徒勞。商賈旦夕爭錐刀。

熙州行

自胡請盟供貢職。關西二紀剽兵革。胡人歲來受金帛。地雖國本胡不惜。帝家將軍勇無敵。謀如轉圜心匪席。精誠動天。天不隔鑿空借籌。皆碩畫。賈生屬國試五餌。買臣朔方發十策。偏師倏然盡西海。一月三捷猶餘力。百蠻解解慕冠帶。五郡掃地開城壁。葱嶺陂陀蒲類深。回笑秦羊與烏績。尚書論功易等差。御史行封自明白。武功賜爵十萬金。徹侯印組丈二束。奮行過望理自爾。少從進熟來無極。憶昔漢武開西域。天下騷然苦征役。哀痛輪臺置肥美。割弃造陽捐斗僻。豈知姚河宜種稻。此去涼州皆白麥。女桑被野水泉甘。吳兒力耕秦婦織。行子雖為萬里程。居人坐盈九年食。熙州歡娛軍事息。天王聖明丞相真。

桃源行

王介甫

望夷宮中鹿為馬秦人半死長城下避世不獨南山翁亦有
桃源種桃者一來種桃不記春採花食實枝為薪兒孫生長
與世隔知有父子無君臣漁郎放舟迷遠近花間忽見鷺相
問上空知古有秦山中豈料今為晉聞道長安吹戰塵東
風回首一沾巾重華一去空復得天下終經幾秦

食黍行

周公兄弟相殺戮李斯父子夷三族富貴常多患禍嬰貧賤
亦復難為仁自隨衣食南與北至親安能常在側謂言黍熟
同一炊炊見隴上黃離遊人中道忽不返從此食黍還心
悲

續麗人行

蘇子瞻

深宮無人春日長沉香亭北百花香美人睡起薄梳洗燕舞
鶯啼空斷腸畫工欲盡無窮意背立春風初破曉若教回首
却嫣然陽城下蔡俱風靡杜陵飢客眼長寒塞驢破帽隨金
鞍隔花臨水時一見只許腰肢背後看心醉歸來茅屋裏方
信人間有西子君不見孟光舉按與眉齊何曾背面傷春啼

東方書生行

蘇子由

東方書生多愚魯閉門讀書口生土窓中白首抱遺經自信
此書傳父祖辟雍新說後上公冊除僕射酬元功太常弟子
不知數日夜吟諷如寒蟲四方窺覘不能得一卷百金猶復
惜康成穎達棄塵灰老時瞿曇更出入舊書句傳先師中
途欲棄還自疑東隣小兒識機會半年外舍無不知乘輕策
肥正年少齒疎唇腐負堪笑是非得失付他年眼前且買先
騰蹕

古墨行

陳無已

秦郎百好俱第一。墨丸如漆姿如石。巧作松身與鏡面。借美於外非良質。潘翁拜跪摩老眼。一生再見三歎息。了知至鑒無遁形。王家舊物秦家得。君今所有亦其亞。伯仲小伯猶子姪。黃金白璧孰不有。古錦白囊聊可敵。睿思殿裏春夜半。燈火闌殘歌舞散。自書細字答邊臣。萬里風塵入長筭。初聞橋山送弓劍。寧知玉筮人間見。夜光炎。衝斗牛。會有太史占星變。人生尤物不必有。時一過目驚老醜。念予何忍遽磨研。少待湏臾圖不朽。明窓靜几風日暖。有愁萬斛才八斗。徑湏脫帽管城公。小試玉堂揮翰手。

小放歌行

春風永巷閉娉婷。長使青樓誤得名。不惜卷簾通二顧。伯唇著眼未分明。

當年不嫁惜娉婷。傅白施朱作後生。說與傍人湏早計。隨宜梳洗莫傾城。

鞠歌行

張子厚

鞠歌胡然子。邀余樂之不猶宵耿々。子其尚寐日夜々。子焉繼子乎厥脩。井行惻子王收。曰曷賈不售子。阻德音其幽々。述空文以繼志子。庶感通乎來古。塞昔為之純英子。又申々其以告。鼓弗躍子。麾弗前千五百年。寥劫寐焉。謂天實為子。則吾豈敢荒審已子乾々。

君子行

君子防未然。見機天地先。開物象未形。弭災憂患前。公旦立無方。不恤流言宣。將聖見亂人。天厭懲孤偏。竊攘豈予思。瓜

李安之論

金山行

郭功父

金山杳在滄溟中。雪崖冰柱浮仙宮。乾坤扶持自今古。日月彷彿躔西東。我泛靈槎出塵世。搜索異境窺神工。一朝登臨重太息。四時想像何其雄。卷簾夜閣掛北斗。大鯨駕浪吹長空。丹摧岸斷豈足數。往。霹靂鎚蛟龍。寒蟾八月蕩搖海。秋光上下磨青銅。鳥飛不盡暮天碧。漁歌忽斷芦花風。蓬萊久聞未成往。壯觀絕致遙應同。潮生潮落夜還曉。物與數會誰能窮。百年形影浪自苦。便欲此地安微躬。白雲南來入我望。又起歸興隨征鴻。

內前行

唐子西

內前車馬撥不開。文德殿下宣麻回。紫微舍人拜右相。中使押赴文昌臺。旄頭昨夜光照牖。是夕鋒芒如秃帚。明朝化作甘雨來。官家喜得調元手。周公禮樂未制作。致身姚宋亦不惡。我聞二公拜相年。民間斗米三四錢。

古劍行為劉善良作

宇文并通

公家祖皇提三尺。素靈中斷開王迹。自從武庫衝屋飛。化作文星照東壁。大君安得此龍泉。秋水湛。浮青天。變魑奔喘。禹強護。中夜躍出光。蜿蜒杜頤。櫛具男兒飾。彈缺長歌氣。填臆。嶙峋折檻霽天威。將軍拜伏姦臣泣。龍泉爾莫矜雄鉞。不見鳥盡良弓藏。會當鑄汝為農器。一劍不如書數行。

南越行

朱師美

南越太后邯鄲女。皓齒明眸照蠻土。珊瑚為帳象作床。錦繡高張擊銅鼓。太液池內紅芙蓉。自怜謫墮蠻烟中。灞陵故人

杏無耗深宮獨看南飛鴻隨兒作帝心不願惟願西朝栢梁
殿茂陵劉郎亦可人遣即海角來相見金視夜燎龍涎香明
珠火齊爭煌煌番禺秦甸隔萬里今夕得遂雙鴛鴦白首相
君佩銀印干戈欲起蕭牆釁莫言女子無雄心置酒宮中潛
結陣漢家使者懦且柔纖手自欲操霜矛孤鸞竟落老梟手
可憐空奮韓千秋樓船戈鋌師四起或出桂陽下灘水越郎
追斬呂嘉頭九郡同歸漢天子尉他噴草幾番青霸業猶與
炎洲摘玉璽初從真定得黃屋却為邯鄲傾五羊江連湘浦
竹嬌魂應伴湘娥哭

淮安行

劉無黨

淮安城壁空樓櫓風雨半摧鷄糞土傳聞兵火數年前西觀
竹間藏乳虎迄今井邑猶荒涼居民生資惟推場馬軍步軍
自來往南客北客相經商近來戶口雖增出主戶中間十無
一里間風俗樂過從學得南人煮茶喫青衫從事今白頭一
官乃得西南陬宦游未免簡書畏歸去更懷門戶憂世緣老
矣百不好落筆尚能哦楚調從今買酒樂昇平爛醉歌呼客
神廟

脩城行

淮安城郭真虛設父老年前向予說築時但用鷄糞土風雨
即摧乾更裂祇今高低如堵墻舉頭四野青茫茫不知地勢
實衝要東連鄂渚西襄陽誰能一勞謀永逸四壁依前護磚
石免令三歲二歲閒費盡千人萬人力

河防行

南州一雨六十日所至川源皆泛溢黃河適及秋水時夜來

决破陳河堤。河神憑陵兩師借。晚未及晴昏。復下傳聞一百
五十村。蕩盡田園及廬舍。我聞禹時播河為九河。一河既滿
還之他。川平地迥勢隨弱。安流是以無驚波。祇今茫茫餘故
迹。未易區。議疏關三山。橋壞勢益南。所過泥沙若山積。大
梁今世為陪京。財賦百萬資甲兵。高談泥古不須爾。且要築
堤三百里。鄭為頭。汴為尾。准備他時漲河水。

摧車行

渾河洶湧從西來。黃流正觸山之崖。山崖路窄僅容過。小誤
往。車輪摧。車摧料理動半日。後人欲過何艱澁。深山日暮
人已稀。食物有錢無處覓。何時真宰遣六丁。鑿此疊嶂如掌
平。幢。車馬山西路。萬古行人易來去。

敗車行

前車行。後車逐。車聲夜聞山。詰曲前車失手落高崖。車輪在
下。聲如雷。同行急救。不得。人牛翻壓。鳴聲哀。我時潛聞後
車說。前車使牛何太拙。只知拍手笑前人。不道後來當改轍。
前途猶有坡。陔在。後車當以前車戒。

冷巖行賦冷巖相公所居

周德卿

或為盂。或為鍾。人心自異。山本同。天清雲遠望不極。小孤宛
在江流中。澗之毛。可筐筥。山之木。可斤斧。唯有白雪高崔嵬。
風吹不消自太古。峴山何奇。羊子所攀。東山何秀。謝公往還
今爾胡為籍。甚乎人間。于嗟乎冷山。

浩歌行送濟夫之秦行視田園

師無忌

霜斂野草。氣肅天宇。清開尊酌。遠客餞此秦關行。秦關杳杳
愁西顧。千里蒼茫。但煙樹。子今行。纒按秋風。想見秦關雄勝。

處。河流洶々崑崙來。蓮峯秀拔青雲開。終南々走絡巴蜀。五陵北望令人哀。我本渭城客。浪迹來東征。窮齊歷宋。嗟何營。尚氣慕俠游。梁城信陵白。骨委黃土。夷門誰復知。侯生拊劍一長嘯。作歌誰為聽。青天白日空冥々。不能乘桴入滄海。拂衣且欲歸。汧涇落魄。高陽歸未得。送子西歸空愴情。

黃葉行送祖唐臣歸柘縣

王紹先名州人

送君黃葉山。黃葉紛不掃。上有蕭々之風。樹下有漫々之衰草。山中黃葉行復青。解肉一消人自老。酒盡意不盡。執手臨古道。古道連延走錦襄。錦襄日暮浮雲翔。一燈孤館相思處。寒鴈一聲秋夜長。

北齊行

閻子秀

天保大人襲世貴。未待齊成已無魏。讖裏方傳近水羊。夢中先兆攻城堞。六君三世都能幾。二十八年翻手裏。細思孝靜靈運詩。天道好還非忘矣。

長安行

李欽用

長安道。無人行。黃塵不起生榛荆。高山有峯不復險。大河有浪亦已平。向來百二秦之形。祇今百二秦之名。我聞人固物乃固。人不為力物乃傾。將軍誓守不誓戰。士避死不避生。殺人飽厭敵自去。長安有道誰當行。黃塵漫漫愁殺人。但見蔽野雞羣鳴。河東游子淚如雨。眼花落日迷秦城。長安道。無人行。長安城中若為情。

桃源行

元德明

山中三月山桃開。紅霞爛熳無邊涯。崖山家藏春藏不得。落花流水人間來。憶昔攜家竄岩谷。秦人半向長城哭。回頭塵

土失咸陽繒弋徒勞羨鴻鵠冬裘夏葛存大朴小國寡民皆
樂俗晝永垣籬鷄犬閑春晴門巷桑榆綠漁郎偶到本無心
仙境何緣得重尋今日武陵圖上看唯見雲林深復深

撞冰行

蔡正甫

船頭傳鐵橫長錐十之五之張黃旗百夫袖手略無用舟過
理棹徐之歸吳儂笑向吾曹說昔歲江行苦風雪揚鎚啓路
夜撞冰手皮半逐冰皮裂今年窮臘波溶之安流東下閩篙
工江東賈客借餘潤貞元使者如春風

元

虞坂行

元裕之

虞坂盤之上青石之上車蹤深一尺當時騏驥知奈何千古
英雄疾黃意龍蟠於泥易而漢麟非其時聖為泣玄龜竟墮
余且網老鳳常飢竹花實天生神物似有意驗以乖逢
必若論美好是不祥正使不逢何足惜孫陽騏驥不立
萬億中時有一乃知此物非不逢轅下一鳴人已識我行
路多閱馬敢謂群空如冀北孫陽已矣誰汝知努力益車莫
稱屈

羽林行

楊正卯

銀鞍白馬鳴玉珂風花三月臙脂坡侍中女夫領軍事萬金
買斷青樓歌少年羽林出名字隨從武皇偏得意當時事少
遊幸多御馬御衣嘗得賜年年春水復秋山風毛雨血金蓮
川歸來宴賀滿宮醉山呼搖動東南天明昌泰和承平久北
人歲獻蒲萄酒一聲長嘯四海空繁華事往空回首懸瓠月
落城上墻天子死不為降王羽林零落祗君在白頭辛苦趨

路傍腰無長劍手無槍。欲語前事涕滿裳。洛陽城下歲華暮，
秋風秋氣傷金瘡。龍門流出伊河水，北望臨潢八千里。蔡州
新起鬪樓臺，只合當年抱君死。君家父兄健如虎，一旦倉皇
變爲鼠。錦衣新貴見莫嗤，得時失時令人悲。

金谷行

楊煥然

洛陽園池天下無，金谷近在西城隅。晉時花草不復見，野人
猶解談齊奴。齊奴豪華誰比數，酒酣愛擊珊瑚珠。後堂春風
滿桃李，中有一枝名綠珠。千金買步障，百金買氍毹。時吹
笛替郎語，雲窓露戶長歡娛。層階欲下須人扶，豈料一日能
捐軀。紅飛玉碎頃刻裏，空使行客悲躊躇。樓頭小婦感恩死，
君臣大義當何如。

李王夜宴行

漏沉寒夜永，瑤階月轉梧桐影。重門深鎖寂無人，醉倚
銀屏呼不醒。茜裙六幅拖朝霞，飛雲髻穩盤雙鴉。一生偏得
君王意，笑酬新寵彈琵琶。嬌小不禁弦索滑，腸欲斷時輕一
抹。半遮粉面回春波，等閑忘却龍香發。歡娛未畢北兵來，三
十六宮如死灰。茅茨老死定誰問，紛紛哀樂長相催。

晉溪行感故人崔君寶馮達卿至

并刀射日霜華起，誰剪滄溟半邊水。千年冷浸西南天，瑠璃
萬頃清無底。瑤階玉殿聖母家，春陽走碎油壁車。天陰人靜
百鬼出，山風冷吹浪花。飛愁怕桂輪濕，蟄龍潛抱神珠
泣。馬蹄剝落夢不到，解后與君成雅集。金斗斲灑浮新香，秦
客思家偏斷腸。曲江池館定何似，滿眼青田空夕陽。

桃源行

劉夢吉

六王掃地阿房起。桃源與秦分一水。小國寡民君所憐。賦役多慙負天子。天家正朔不得知。手種桃枝辨四時。遺風百世尚不泯。俗無君長人熙熙。漁舟載入人間出。却悔桃花露蹤跡。曾聞父老說秦強。不信而今解亡國。畫圖曾識武陵溪。飛鴻滅沒天之西。但恨於今又千載。不聞再有漁人迷。

塞翁行

塞翁少小壘上鋤。塞翁老來能捕魚。宋家昔日塞翁行屯田。校尉功不如。西山瀛海接千里。長城又見開長渠。要將一水限南北。笑殺當年劉六符。天教陂澤養鴈鶩。留與金人賦子虛。我來鄉國覽風土。髣髴猶鼓笛鳴。宵中雲夢忽已失。酒酣懷古皆平蕪。昔年阻水群盜居。塞翁子孫殺欲無。至今遺老向人泣。前宋監邊無遠圖。

燕歌行

薊門來悲風。易水生寒波。雲物何改色。游子唱燕歌。燕歌在何處。盤鬱西山阿。武陽燕下都。歲晚獨經過。青丘遙相連。風雨噴差我。七十齊郡邑。有二秦。山河學術有管樂。道義無丘軻。蚩之魚肉民。誰與休干戈。往事已如此。後來復如何。割地更石郎。曲終哀思多。

白鴈行

北風初起易水寒。北風再起吹江干。北風三吹白鴈來。寒氣直薄朱崖山。乾坤噫氣三百年。一風掃地無留錢。萬里江湖想瀟灑。佇看春水鴈來還。

長安有狹斜行

長安出狹斜。方駕秦中客。云是牛丞相。來自薄家宅。薄家萬

陳君采

戶侯朱門映椒壁長秋車馬來賓客御瑤席金屋貯尹邢阿
嬌淚沾臆燕慵來粧繁華照春色轉蕙光風翻趙帶徘徊
月到班姬牀班姬輟芳翰紈扇從風揚明妃聞百草玉環御
雲裝向來溫柔地盡入白雲鄉何以慰王孫琵琶隨驢驕何
以奉燕之罷舞歌慨慷何以奉明妃綠珠奏清商嫫母挾無
益搔頭愛宮粧

義俠行

王惲

君不見悲風蕭蕭易水寒荆軻西去不復還狂圖祇與螿蛛
靡至今恨骨埋秦關又不見豫讓義所激漆身吞炭人不識
劇軀止酬一已恩三荆襄衣竟何益超今冠古無與儔堂堂
義烈王青州午年辰月丁丑夜漢允策祕通神謀春風代作
骨兩觀卯魄已曉曾夷猶袖中金鉞斬馬劍談笑鹹收燕臣
頭九重天子為動色萬命拔出顛崖幽陂施燕血濟時雨一
洗六合妖氛收丈夫百年等一死死得其所鴻毛韜我知精
誠耿不滅白虹貫日霜橫秋潮頭不作子胥怒地下當與龍
逢遊長歌落筆增慨慷覺我髮豎寒颼颼燈前山鬼忽悲歎
鐵面御史君其羞

烈婦行

趙子昂

客車何焯之夫挾婦為推問君將安去言往棗陽戍官事有
程宿車下夜半可憐逢猛虎夫命懸虎口婦怒髮指天十步
之內血相濺夫難再得虎可前寧與夫死毋與虎生呼兒取
刀力與爭虎死夫活心始平男兒節義有如此萬歲千秋可
以奉明主馮婦下莊安足數

度閨行

元復初

新河十里分三閘。束水奔河勢狹。萬舟昂。擁不前。我愁
度閘如度峽。下閘已開。上閘閉。牽舟稍前。復留滯。髯咆哮
氣敵虎。擊鼓鳴鑼。竟何計。低回却坐。同嘆嗟。咫尺躋攀。未能
至。憶昔峽江東。賦歸手招五老先生衣。掛帆一白走千里。錦
鯨跋尾開煙霏。近來閑身走羈縻。安得化作孤鴻飛。人生百
年復何有。羨殺津頭老漁叟。野祠日暮烏鷄喙。得魚唯知換
村酒。故山花木春事深。回首飄零不知久。明朝度閘舟已東。
歸來歸來乎山中。高陽舊徒吾爾從。

琴山行

苟宗道

山形取類非一端。琴山得名知何年。丹楓列植如朱弦。時有
鸞鳳栖其顛。秋風颯。鳴飛泉。豐山霜鍾晝夜懸。從金夏玉
聲清圓。仰揚起復萬嶺全。雲韶大雅久不傳。至音一變義皇
前。不煩繩削皆天然。春雷玉磬俱締筌。媿山山人遜世賢。
閑體弱志節堅。幽居彷彿如龍眠。醉吟時泛湖海船。超遙宛
若蓬壺仙。嗟余未解纓。組纏烟霞痼疾不可痊。奈何尚有箏
笛綠。擬將俚耳濯清澗。為君重賦思歸篇。與山相對期終焉。

赤烏行

鮮于伯機

木之用。髹漆初以為美觀。觀此赤烏材。乃知漆為木之九轉。
丹風雨霜露不能入。所以遠歷晉魏。猶堅完。政如後葬用珠
玉。能令血肉經千年。凡物皆尚新。惟琴獨求舊。古人遺跡既
以少。近作吾無千歲壽。木不斷。生意雨暘猶相通。及茲生意
盡發聲。始與金石同。巍。烏龍山岩壑秀且雄。桐江在其南。
溟渤居其東。長灘落深峽。灌木居巔峯。子胥朝夕鼓餘怒。子
陵廟貌存高風。托根於此。豈復有凡木感化。何讓龍門桐。我

本山林人奔走髣已翁何期造物私錫此哀吾窮琴成滅迹
入深谷歌詠堯舜甘長終

御宿行

李永魯翀

蒼茫帝星移紫微露寒金屋人依之夢斷瑤池宴王母地上
麒麟鞭不走山靈詞護魑魅中何罪取憎逆旅翁神龍脫淵
命如蟻老嫗眼明龍得水醉轟惡少慰君歸歸來宮柳回春
熙仲舒三策賤於草明日黃金賜山媪

沉沉行

虞伯生

沉沉天宇玄以黝星河如銀垂近人牛羊漫散草多露大帳
中野旁無隣去年八月羽書急婦女上馬小兒泣今年八月
天子來身屬燕韃月中立

三鳳行

海東之兄弟三鳳四鳳胸臆羽翮皆文章九年三鳳
翔伯冲天季鶯一四皆知名東之之文五色雲見者
眩晃生眩昏三進三已之子若耳不聞二人得之喜未三云
東之不愠乃可尊東書江上歸見親君子之樂之最真君不
見匡廬之山嶠崿而嗟哉左界乎豫章諸川會為蠡鄩其陰
千源洗河道岷經潛沱山氣束鬱不得去上衝為紫蓋且與
天相摩為雲覆八極為雨漲九河海東之子能觀山以成德
其進蓋未易量也偶尔小訕柰爾何

車簇之行

馬伯庸

李陵臺西車簇之行
行人夜向灤河宿灤河美酒斗十千下馬
飲者不計錢青旗遙出華表滿堂醉客俱年少侑盃小女
歌竹枝衣上翠金光陸離細肋沙羊成體薦共訝高門食三

縣白髮從官珥筆行。毳袍衝雨桓州城。

早朝行

王繼學

石城啼鳥翻曙光。千門萬戶開未央。丞相珂馬沙堤長。奏章
催喚東曹郎。燕山駙騎朝來到。雨澤十分九州報。輦金馱帛
分遠行。龍沙士飽無鼓聲。閣中龍牀琢白玉。瑟瑟圍屏海波
綠。曲闌五月櫻桃紅。舜琴日日彈薰風。

六月十五日大雨雹行是日月食

柳道傳

日月相鬪鶉火中。晴時欲息雲埋空。兩脚初來雜鳴雷。雷駭
電挾聲風。排簷倒檻揮霍入。羣兵快馬難為雄。中休頗意
絕崩迸。轉橫更覺加銛鋒。亂拋荆玉抵飛鵲。恣擲桃核隨飄
風。坐移向壁防碎首。急捲中席何忽。上天號令豈輕出。誰
殘長養皆元功。陰凝陽樂鬼神著。氣有至反誠則同。想茲試
手鼓萬物。特欲振槁照群蒙。齋心變兒謹天戒。烏乎生意無
終窮。

居庸行

郝伯常

驚風吹沙暮天黃。死焰瞭日橫天狼。嶮鐵穴六十里。塞口
一噴來冰霜。渠騎局脊銜尾前。檀車轆半側箱。彈箏峽道
水復凍。居庸關頭是羊腸。橫拉恒岱西太行。倒卷渤海東扶
桑。幽都却在南口南。截斷百陸萬古強。當時金源帝中華。建
瓴形勢臨八方。誰知末年亂紀綱。不使崇慶如明昌。陰山火
起飛蟄龍。背負斗極開洪荒。直將尺箠定天下。疋馬到處皆
吾疆。百年一憤老虎走。室怒市色還猖狂。遽今逆血洒玉座。
六宮飲泣无天王。清夷門折黑風吼。賊臣一夜掣鎖降。北王
泣裏骨成山。官軍城上不敢望。更獻監牧四十萬。舉國南渡

尤倉皇。中原無人不足取。高歌曳落婦帝鄉。但留一旅時往來。不過數歲終滅亡。潼關不守國無門。便作龜茲能久長。汴梁無用築子城。試看昌州三道墻。

巴陵女子行

北來諸軍飛渡江。突騎一夜滿岳陽。樓頭火起入閭巷。曹伍偶走如牛羊。巴陵女子尚書婦。生平不識門前路。亂兵駢出勢蒼皇。夫婿翁姑在何處。聲掩淚行且啼。痕沾濕越羅衣。此身忍使再人辱。裂帛暗寫臨終詩。上言社稷安危事。下說投江誓天志。一回宛轉一悲辛。心折魂飛不成字。詩成淚盡赴江流。蛾眉蕭颯天爲愁。芙蓉零亂入秋水。玉骨直葬青海頭。古來烈婦才一二。誰似巴陵更文理。名與長江萬古流。丞相公還不死。

封松行

六國西移周道絕。草木盡汙秦兵血。泰山山頭五株松。黛色猶參周日月。文武成康雨露深。八百年来養貞節。祖龍一旦侈心生。阮深不用諸儒說。千乘萬騎壓山谷。檢玉泥金自銘德。鬼神呵禁不容上。震雨凌風力飄蕩。人誅未即即天誅。欲使碎骨千山嶂。偶來擇音幸偷生。濫爵斜封重誣謗。貞松本始魯連。泰山豈不如林放。山東赤帝子已生。山靈亦已居芒碭。秦皇雖云幸。余亦為私悲。君不見。湘妃廟前風雨夕。褚山伐木一無遺。

靈泉行

赤雲夾日騰清輝。太陰殺氣纏海霓。元戎小隊數百騎。金鑣玉勒紅牙旗。長鞭一點陣偃月。梢馬兩合前山圍。查牙折角

獲挺鹿。糊糗生血禽。孤羸霜蹄剥落。澗石飢燕乱掠秋草。飛。應弦霹靂。疊破碎。掇拾挂馬皆累。一川錯莫半山赭。空穴破冢妖狐悲。將軍推仁亦中怛。施弓服矢收神威。力士下馬各數獲。從官解劍称酒卮。山河慘澹生壯觀。乾坤突兀增雄奇。溶々喜色動歸路。滿城樓觀重烟霏。

華不注行

崑崙山巔半峯碧。海風吹落猶帶濕。意氣不欲隨群山。獨倚青空迥然立。平地拔起驚孱顏。劍氣勁插青雲間。濟南名泉七十二。會為一水來漫山。我來方作鯨川遊。玉臺公子邀同舟。君山浮嵐洞庭晚。小孤滴翠清江秋。酒酣興極烟霏昏。魚目亦老。元氣摧。崑山自好。超々絕頂來長風。注目東。蓬島

君山行

貫雲石

北溟魚背幾千里。負我大夢遊弱水。蓬萊隔眼不盈拳。碧落香銷吹不起。茜裙女兒懷遠遊。遠人不歸明月羞。宝釵縮鬢翠欲流。風鬟十二照暮秋。女媧煉石補天手。手拙石開露天醜。瓊樓玉宇亦人間。直指示君。見不。斯須魚去夢亦還。白雲與我遊君山。

葛嶺行

陳剛中

葛嶺相君之故居。昔年甲第臨通衢。錢橫花間甃作逕。錦鋪泉底跡為渠。後庭三千傾城姝。歌舞絕世水肌膚。麒麟銀裳龍銷裾。佩以文羅木難珠。相君出擁萬虎士。各操關戟左右趨。劍履上殿帝賜坐。馳蹄七寶分御厨。望塵拜者頌元老。伊

尹周公所不如。豈知一旦事瓦裂。銀鑄鐵鎖載以驢。我偶過此訪廢趾。狐兔縱橫草焦枯。琨臺瓊砌不復見。已有野人來種蔬。印正當時鑿隧道。挾詐出入潛如狙。大臣一身佩天下。版牆複壁何謬欤。山童從我一壺酒。迴首落日悲歛歔。摩挲仆碑共踞坐。尚是御賜凌烟圖。

古墻行

楊仲弘

建炎白馬南渡時。循王以身佩安危。疏恩治第壯輿衛。縮板載幹由偏裨。下鋪江城但沙鹵。往夷赤山取焦土。帳前親兵力如虎。一日連雲興百堵。引錐試之缺石堅。長城在此勢屹然。上功幕府分金錢。謹聲如雷動地傳。爾來瞬息踰百年。高崖為谷驚推遷。華堂拜奠散文礎。喬木慘淡栖寒煙。我入荒園訪遺古。所見唯存文尋許。發壞終嗟藥廐遊。飄零不記商羊舞。王孫欲言淚如雨。為言王孫毋自苦。子孫再世隳門戶。英公尚及觀房杜。如君百不一二數。人生富貴當自取。况有長才文甚武。公侯之後必復初。好把家聲繼其祖。

居庸行

揭曼碩

昔我望居庸。南今日出居庸北。崑巒爭吞吐。風水清且激。逶迤數千里。曲折殊未息。關門兩向當天開。馬如流水車如雷。荒鷄一鳴關吏起。列宿慘澹雲徘徊。山盤之石圍之。山如龍石如虎。龍怒欲騰虎欲舞。太行餘勢猶如許。昔不容單車。今馬列十伍。聖人有道關門開。關門開千萬古。

吊古行

李坦之

蒼梧之南湘水頭。烟波逐客增離憂。重瞳孤墳閔白日。雙娥貞珮搖清秋。江空夜聞鬼對泣。泣罷仍為鼓瑤瑟。瑟聲漸杳

江聲長。丹楓墮影。天霜白。臨江被髮。招帝魂。拔劍欲斷東流。奔東流。無窮帝不返。嗚呼。薄俗無由淳。

杜鵑行

吾聞昔有蜀天子。化作冤禽名杜宇。一身流落懷故鄉。萬里逢人訴離苦。西來縱呼巫峽間。楚臺花落青春閑。臺中魂夢久寂寞。行雲日暮愁空山。明朝復向瀟湘發。北叫蒼梧江竹裂。竹間之淚。花上血。怨入東風。俱不滅。天涯無窮朝暮啼。王孫草綠不思歸。哀哉王孫終不歸。江南江北楊花飛。

春日行

東風入樹吹流鶯。曉窗隔霧花冥冥。美人窗間動曉思。鶯聲枕上提春心。塵中日出花滿城。南春深楊柳青。王孫不歸消息斷。深閨無人春草生。草生猶有時。王孫何日歸。斜陽照流水。萬里長相思。東園三月花爛開。西隣胡蝶雙飛來。明朝蝶去春無主。閉門花落愁如雨。

紈扇行

誰家玉貌蒙清霏。手揮紈扇臨東池。瀟湘搖波月弄影。隔波疑見湘之妃。淚痕竹上猶未滅。一尺冰紈萬愁結。風吹翠袖卷寒烟。汗入紅肌凝素雪。深閨無人涼氣早。輕薄恩情易衰老。昔隨胡蝶上春花。今逐流螢向秋草。不見班姬滌翰時。空遺漢宮題扇詩。千年怨墨已流落。一天霜露露人衣。

方積混沌石行

傅與礪

混沌以來不可數。萬八千歲生盤古。氤氳乃在卷石間。光怪潛通落星渚。來從魚復人盡訝。坐念武侯心獨苦。八陣圖成泣鬼神。三江石轉凋寒暑。蒼波噴浸圓且堅。鷄子結形生理

金。火當化鳥非為怪。大未成羊亦欲仙。玉精隱月相照射。金
液流霞紛繞纏。輕清已判中黃外。元氣猶含太素前。英雄事
往難存石。天衡地軸今徒識。江上常疑霧雨寒。座中歛近風
雷擊。摩挲直如見。溟滓位置豈肯同。沙磧長路相將拂。劍隨
天陰勿使精靈得。

縛虎行

張思廉

白門樓下兵合圍。白門樓上虎伏威。戟尖不掉文二尾。袍花
已脫斑爛衣。捽虎腦。截虎爪。眼中看虎如猫小。猛跳不越當
塗高。血吻空腥千里草。養虎肉不飽。虎飢能噬人。縛虎繩不
急。繩寬若無親。座中巨信劉將軍。不縱猛虎食漢賊。反殺猛
虎生賊臣。食原一食卓。董何足賤。

喜雨行

李暉

五日不雨中禾焦。十日不雨晚禾死。農夫田婦心煩。如石榨
搗。徒為爾俄然雲起。從西北。一片飛來頭上黑。六丁雷斧
開天闕。不盡天瓢瀉甘澤。沛然如萬頃之銀潢。疾如江漢流
湯。怒如龍物騰變化。颯如白帝行秋光。在坑滿坑谷滿谷。
此雨何殊雨珠玉。甌窶汙邪無復分。但見芄。稻花熟。東家
老翁賒酒勸。西家女兒賣釵釧。青黃未接渾未憂。屈指豐年
眼中見。我歌不獨如元豐。我歌直與康衢同。此身願作飯牛
翁。畊田鑿井堯無功。嗚呼畊田鑿井堯無功。

麗人行

楊廉夫

楊白花飛愁殺人。美人如華不勝春。錦韉馱起雙鳳綫。黃門
挾飛五花雲。白日雷霆夾城道。樂遊園裏春正好。就中小姊
窈嬌強。雌雄雙飛觀者惱。瑤池鬪草碧雲移。草青草歇春不

知黃裙有恨隨春水。耕房青蠅何處起。君不見翠羽颺之帳
一空。東方蠨蛸纏紫宮。

沙堤行

神州和羹連五城。沙堤新築太階平。正月一日太陽明。殿前
兩相水金星。天王垂衣珠箔捲。太史新書五雲見。火城千枝
花外轉。道逢吳牛問牛喘。左謀右斷天子前。手持五色補青
天。南人不敢吹巢火。中國堂之相司馬。

繡婦行

揭希章

迴文未動機心忙。幼時學刺双鴛鴦。漸摹小景作蘆鴈。稍引
初智成磨礮。幾回停線望長晷。年深勾撥人教坊。宮羅裁就
繡御用。伴伍推讓尊前行。一絲欲理三滌手。龍鳳密湊雲分
光。辭垂枯木掛。依欵眼注寒水明。鷺鷥瘖。蠅蟬殼未脫。柳
檉蠶腹絲為僵。晴天日杲等餘事。清夜高繼爭豪芒。鳴機裂
下棚。忽解摑之一弗聲。聞廊千秋萬歲奉聖主。若比倚市真
誰強。

送落齒行

兔年羊月日加豕。我齧上震落一齒。剝果已熟無留根。輔車
相依何忍棄。衆城不動一成覆。終是風寒惡。傷類缺穿小竇。
未渠憂恐作懸厓。維兵計我今行年七十五。汝決辟行知汝
意平生不飽太官飯。共啜藜羹汝之恥。言軀難虞損機格。柔
弊剛摧成止止。嗟嗟唯宜見日中。過分人生當落幾。落日減
齒君勿笑。毀齒如同昔年少。

易水行

汪復亨

召南遺愛存甘棠。金臺崇之耿餘光。孫謀足以紹前烈。城池

不必如金湯。胡爲太子丹。棄厥祖典常。欲雪一朝憤。卷土歸秦疆。七首寸鉄尔。王者誰能傷。鞠武失初謀。導之以披猖。喜也君父尊。不能慎周防。區區刺客匹夫勇。况荆卿輩非財智。不如專諸刺吳僚。忠不若豫讓。圖趙襄。劫盟無曹沫之勇。剖腹無聶政之剛。世言馬生角。譏尔不自量。朔風蕭蕭兮。易水湯湯。悲歌發。祖道慷慨。淚沾裳。千里入秦廷。九賓肅皇之哀。衣坐殿上。虎視雄四方。舞陽小豎。膽落心悖慌。鉅雖奉圖。進言貌已譁。張秦皇覽圖。未竟但見利。七睨。凝秋霜。堪曾無及絕袖起。走環殿柱空踉蹌。吁嗟荆卿兮。兒戲傀儡場。秦兵赫斯怒。家國竟兩亡。吁嗟燕丹兮。上累七廟殃。悉髮數其罪。授首豈足償。吁嗟尔丹兮。偷生竄遼海。薪可食。膽可嘗。少須待天定。鋤纓亦足除暴強。不徒陳勝李函谷。當與項籍屠咸陽。

短歌行二首

黃誠父

死灰宿火秋螢小。千里桑麻一時燎。紅女撼孤城。夜々張旆到清曉。烏啼月落腥風來。虎帳烟塵掃不開。可憐驍將骨如玉。曠野無人醉一杯。良人陣上捫飛箭。賤妾閨中猶搗練。今朝敗卒裹創回。消息未聞腸已斷。妾夫驍勇天下無。所恨單絲不成線。妾身安得化飛虵。誓死夫仇報夫怨。

婦董行

王原吉

北軍南軍和議時。兩起對立龍鳶旗。星辰錯亂風雲氣。乾坤造就冰雪姿。渾家性命葬魚腹。一舸涕洟隨鷓夷。長眠自足爲義鬼。後死只望全孤兒。在腹中兵在日。憶夫心頭辟消。

肉岱宗誰縷白玉牒汴州衆撼黃金屋太尉端歸明主死安
撫猶存寡妻宿羞看人面問消息強通語笑寬羈束伯順見
義勇着鞭銳士累足鋒爭先道傍弩伏荆棘底掌上珠還江
海邊將門有後傳世之墓祭無所從年之中原山河想如故
目斷一點滕州煙。

思親行寄弟子通

留若愚

今年八月來作客出門倏忽日已百自後二十走湖海零落
天涯幾峯寂幾岑寂重悲嘆親在高堂望子還子在長途衣
亦單准擬明年作官食君祿歸來共汝舞袖紅爛爛天目之
山去天不盈尺使我登之衰徊望鄉國吁嗟胡不生羽翼吁
嗟胡不生羽翼

短歌行

董良史

山鳥日日喚提壺勸君酒盡須更沽千金五花不足計
囊中錢有無人生百歲幾時好大是愁多歡樂少朝見開花
暮落花昨日朱顏今日老為君起舞為君歌當年不樂奈老
何。

落花行

吳師道

東風吹花之作團美人脉之凭闌干倦投紅筵逐舞鳳故尋
翠袖紫釵鸞去年送別城南道城南飛花委芳草閩河萬里
人未歸風雨一番春又老抱愁無語還深閨拂釵攬袖香依
依綠陰鎖幽蝶影斷空枝弔月鶻聲悲青春不復回遊子不
願期美人掩淚長相思恨身不似花能飛花飛終恨沾塵泥
安得與花飛去陽關西。

綠珠行

杜若川

蜀絲殷勤金作谷。珊瑚成林珠百斛。彼姝千葩万葩簇。明月
出胎照波綠。鏡中飛鸞掌中身。夜月春風看不足。世間既福
如倚伏。西市憐頻東市戮。欲將舊意奉新人。此事今生已難
卜。君因妾死莫多怨。妾死君前君眼見。高樓直下如海深。碧
玉一碎沙中塵。平生感君愛妾貌。今日令君知妾心。

花石行

陳茂卿

鉦聲一發千鷗舞。汴水黎童泣鞞鼓。千年廢圃墮空荒。蒼壁
化為圓下土。江南壯士鉄衣寒。落日駢車望靈武。瑤官飛墮
黑山顛。淚洒江花作紅雨。天南羈鳥歸不歸。故園草荒陵樹
稀。

從軍行

王懋建

十年從召募。萬里逐樓蘭。月黑巡城早。風高度磧難。枕戈天
外宿。握雪海頭餐。戰馬嘶朝臣頌治安。

薊門行

西風古塞外。落日薊門前。白草西連海。黃沙北際天。殘兵疲
百戰。老將望南還。辛苦風霜下。孤忠不自宣。

杜鵑行

吳立夫

南山北山啼杜鵑。杜鵑花發山欲然。千枝萬朵惜未得。中有
一抹巴陵烟。休說銅梁并玉壘。搖蕩春光餘淚水。五丁鑿路
少人行。石鏡生塵妖骨死。東風青鳥來何處。中宮移植銷魂
樹。不如歸去便歸家。誰其友者揚州花。

荔枝行寄王善父

炎雲六月光陸離。人在閩南餐荔枝。荔枝日餐三百顆。紅綠
亞林欺衆果。絳羅繫樹蠟封帶。尚食盤盤獻青瑣。涪州歲貢

與此同意欲移根來漢宮。天生尤物不用世。沾洒颯雨吹蠻
風。蠻風蠻雨振林藪。西域蒲萄秋壓酒。勸君莫近楊太真。傳
說驪山塵汗人。

女殺虎行

山深日落猛虎行。長風振木威鬚鬚。父樵未歸女在室。心已
與虎同死生。揚睛掉尾腥滿地。狹路殘榛苦遭噬。豈非一氣
通呼吸。徒以柔軀扼強鷲。君不見。馮婦來下車。衆中無人尚
負嵎。又不見。裴將軍。出鳴鏑。一時鞍馬俱辟易。丈夫英雄却
不武。臨事越趨汗流雨。關東賢女不足數。孝女千年傳殺虎

從軍行

張光弼

一身既從軍。寧復顧家室。日食官倉糧。唯知事行役。昨朝號
令下。負弩趨大磧。驅車出城去。旌麾耀白日。男兒重橫行。萬
乘假羽翼。意氣從中來。性命何所惜。鵬鳴沙塞雨。四面無馬
跡。不有封侯貴。班超肯投筆。

遠遊行送張伯源

張惟中

山人家住東海頭。人家遠近同瀛洲。山谷逶迤烟霧合。海波
蕩漾星河流。我欲攜家與隣住。塵事牽人未能去。醉來往々
夢中遊。每與安期笑相遇。如此山川天下奇。山人出山將何
為。高堂白髮結愁思。三月新婚歌別離。囊無黃金謁權貴。身
致青雲徒意氣。手中不挽二石弓。縱有奇才誰見容。如何欲
掉三寸舌。朝過荆門莫適越。况今重貌不重言。堂下寧知有
駸。茂山中。第羨春正肥。山人早去還早歸。君不見。徐孺榻前
生網絲。燕昭臺下穴狐狸。

大雪行

釋善繼字絕宗
會稽人

凍臥

冬十二月歲庚午江南雪深一丈許。衾裯斗
飢氓不開戶。妻啼兒號面西東。天高聽卑欲誰訴。去年一極
旱火赤今年一極大雨注。官倉私廩例空虛。蒼生何日守環
堵。西北風塵未盡消。當道豺狼又含怒。明年宿麥縱連雲。揮
涕無從扣箕禹。憑誰寄與東諸侯。恤民有道無輕舉。君不見
曩時桑大夫。慘刻祗取身滅誅。又不見。只今曹黃須。擢髮數
罪。伶渠愚。

文翰類選大成卷九十三



